

四庫全書薈要

• 乾隆御覽本

集部

欽定四庫全書叢要

集部

五百家註昌黎文集

諸篇名氏
卷一

臣
王杰詳校

詳校官助教臣常循



御製題宋版五百家注韓昌黎集

子厚退之昔並傳論文可擬以詩詮韓如杜也柳如李

此則聖而彼則仙注五百家孰窺奧

名為五百家注其實姓名可考者僅

一有四十家餘二百三十家逸其姓氏合計亦不能
而所採用之注更不能遍及又柳宗元集亦有五
名更少于此耳垂千萬代獨鈎元學焉有志知難到難

到猶然勵勉旃

五百家注昌黎集實宋槧之佳者柳子厚集雖亦五
百家注版式行款標題並同而紙色墨香遜韓集遠

甚且正集二十二卷以下至末皆闕又改目錄終以
彌縫之更非完善第柳集注刊本今鮮存者亦覺片
羽可珍惟當居韓之次耳附識題韓集詩之末并書
柳集卷端

五百家注昌黎文集目錄

卷一

賦

古詩

琴操

卷二

古詩

卷三

古詩

卷四

古詩

卷五

古詩

卷六

古詩

卷七

古詩

卷八

聯句

卷九

律詩

卷十

律詩



卷十一

雜文

卷十二

雜文

卷十三

雜文

卷十四

雜文

卷十五

書啟

卷十六

書

卷十七

書

卷十八

書

卷十九

書

序

卷二十

序

卷二十一

序

卷二十二

祭文

卷二十三

祭文

卷二十四

墓誌銘

卷二十五

墓誌銘

卷二十六

墓誌碑銘

卷二十七

碑銘

卷二十八

碑誌銘

卷二十九

誌銘

卷三十

誌銘碑

卷三十一

碑

卷三十二

碑誌銘

卷三十三

墓誌銘

卷三十四

墓誌銘

卷三十五

墓誌銘

卷三十六

雜文

卷三十七

狀

卷三十八

表狀

卷三十九

表狀

卷四十

表狀

臣等謹案五百家注昌黎文集四十卷宋建安魏仲舉編書前題慶元六年刻於家塾蓋麻沙坊本也首列評論詁訓音釋諸儒名氏

一篇自唐燕山劉氏迄潁人王氏共一百四十八家又附以新添集註五十家補注五十家廣注五十家釋事二十家補音二十家協音十家正誤二十家考異十家皆逸姓氏總計祇三百七十八家不足五百之數而所云新添諸家實皆虛構名目以矜多炫博並非實有其書即一百四十八家中如皇甫湜孟郊張籍等皆同時倡和之人劉昫宋祁范祖

禹等亦僅撰述唐史均未嘗詮釋文集乃一
槩牽引闡入以誇其采摭之富未免勉強取
數此本與五百家注柳先生集均屬仲舉刊
行蓋當時書肆習尚如此然其間如洪興祖
朱子程敦厚朱廷玉樊汝霖蔣璨任淵孫汝
聽韓醇劉崧祝充張敦頤嚴有翼方崧卿李
樗鄭耕老陳汝義劉安世謝無逸李朴周行
已蔡夢弼高元之陸九淵陸九齡郭忠孝郭

雍程至道許開周必大史彌大等考證音訓

著有專本者尚數十家其原書不盡流傳往
往賴此以獲見一二其蒐輯究為詳備不可
謂非韓集之功臣也朱彛尊稱此書向有宋
槧本在長洲文氏後歸李日華家正集之外
尚有外集十卷別集十卷附論語筆解十卷
今此本止四十卷而外別集不與焉蓋流傳
既久又多缺佚矣乾隆四十二年八月恭校

上

總纂官臣紀昀臣陸錫熊臣孫士毅

總校官臣陸費墀

昌黎集所收評論詁訓音釋諸儒名氏

唐燕山劉氏

名昀撰
舊書傳

蔣氏

名係撰
舊書贊

天水趙氏

名德編集韓文
號文錄有序

隴西李氏

名漢字南紀
編集并序

李氏

名翱字習之撰韓行狀祭
文與公以文字往來見集

安定皇甫氏

名湜字持正撰韓神道碑祭
文與公以文字往來見集

張氏

名籍字文昌撰韓祭詩與公以文字往來見集

孟氏

名郊字東野與公唱和詩章見集

元氏

名稹字微之與公往來文字見集

白氏

名居易字樂天與公唱和詩章見集

令狐陶氏

名澄校定韓柳文集

宋河南宋氏

名祁字子京撰新史本傳餘議論見文集

廬陵歐陽氏

名脩字永叔撰新史紀志表并校韓文書集後餘議論見文集

徂徠石氏

名介字守道議論見唐鑑及辨謗文

陽翟孫氏

名甫字之翰議
論見唐論斷

成都范氏

名祖禹字淳甫
議論見唐鑑

橘林石氏

名悉字敏若議論見唐史發
揮或以發揮為鄭少微作

建安王氏

名崇字次山撰唐書訓
辨十卷及注唐文八卷

謝氏

名參字任伯
校正韓柳文

趙氏

名明誠字德
父著金石錄

董氏

名道字彥遠
跋韓柳文集

蜀人蘇氏

名溥校正
韓柳文集

宰相李氏

名昉集文苑英華

姚氏

名鉉字寶臣集唐文粹

竇氏

名珣撰唐書音辨

涑水司馬氏

名光字君實議論見資治通鑑考異及文集等書

伊川程氏

名頤字正叔議論見文集

河東柳氏

名開字仲塗撰韓雙鳥詩全解并後序餘議論見文集

河南尹氏

名洙字師魯議論見文集

河南穆氏

名脩字伯長校定韓文

臨川晏氏

名殊字同叔
校定韓文

呂氏

名夏卿校正韓
文并作後序

金陵王氏

名安石字介甫
議論見文集

眉山蘇氏

名洵字明允議
論見老泉文

眉山蘇氏

名軾字子瞻撰韓公潮州
廟記并議論見東坡文集

眉山蘇氏

名轍字子由議
論見穎濱文集

蘇氏

名過字叔黨議
論見斜川文集

南豐曾氏

名鞏字子固
議論見文集

曾氏

名肇字子開
議論見文集

淇水李氏

名清臣字邦直
議論見文集

莆陽鄭氏

名厚字叔友
議論見文集

汲郡呂氏

名大防字正韓
文并撰年譜

豫章黃氏

名庭堅字魯直
議論見文集

宛丘張氏

名耒字文潛
議論見文集

淮海秦氏

名觀字少游
議論見文集

後山陳氏

名師道字無已一字
履常議論見文集

濟北晁氏

名補之字無咎議論見文集及楚詞諸序

濟南李氏

名薦字方叔議論見文集

眉山唐氏

名庚字子西議論見魯國文集

臨漢魏氏

名秦字道輔注

祖氏

名無擇字擇之韓公袁州廟記

陳氏

名長方字齊之議論見語錄

鄒氏

名浩字志完議論

謝氏

名諤字昌國議論

石氏

名大任字安世議論

尹氏

名煒字彥明議論

孔氏

名武仲字常父議論

扶風馬氏

名存字子才議論見文集

蜀郡鄭氏

名少微字明舉議論見文集

朱氏

議論見秀水間居錄

張氏

名舜民字芸叟議論見畫墁集

王氏

名得臣議論見塵史

張氏

名俞字少愚
議論

沈氏

名括字存中
議論見筆談

東萊呂氏

名本中字
居仁議論

茗溪胡氏

名存議論見
漁隱叢話

曾氏

議論見筆
墨間錄

周氏

名少隱議論
見楚辭贊說

洪氏

名芻字駒父
議論見詩話及文集

丹陽洪氏

名興祖字慶善
撰韓文年譜辨證

廣漢張氏

名杅字敬夫議
論見南軒文集

新安朱氏

名熹字元晦議論見
韓文考異晦菴文集

廣漢張氏

名震字真
父議論

東萊呂氏

名祖謙字伯恭
議論見文集

永嘉陳氏

名傳良字君舉
議論見文集

廬陵楊氏

名萬里字庭秀
議論見文集

梅溪王氏

名十朋字龜齡
議論見文集

三山林氏

名之奇字少穎議
論見漢唐龜鑑

眉山程氏

名敦厚字子山著韓柳意
釋餘議論見金華文集

臨邛宋氏

名遠孫字仲山議
論見語錄文集

橫浦張氏

名九成字子韶議論見
漢唐繪及唐史摘實

歷陽張氏

名孝祥字安國
議論見文集

屏山劉氏

名子翬字彥中議
論見典論文集

永嘉葉氏

名適字正則
議論見唐鈔

眉山朱氏

廷玉撰羅池
廟碑全解

西山邵氏

名博字公濟
議論見文集

觀堂劉氏

名望之字夷叔
議論見文集

晁氏

名公武字子正
議論見文集

眉山劉氏

名觀字中
遠議論

眉山李氏

名燾字仁甫
議論

資中李氏

名石字知幾
議論見方舟集

眉山劉氏

名真字子有
議論見橫舟集

洪川姜氏

名如晦字彌明
議論見月溪集

導江王氏

名咨字夢得
議論見雪齋集

李氏

名繁字清叔
議論

上舍陸氏

名唐老字子壽
議論

上舍黃氏

名唐字邕父
議論

三山鄭氏

名鑑字自明
議論見進卷

蔣氏

名璩字宣御
議論并解

三江任氏

名淵字子淵
議論并解

東蜀樊氏

名汝霖字澤之著
韓文公志及譜註

眉山孫氏

名汝聽字良臣
全解

臨邛韓氏

名醇字仲韶全解

眉山劉氏

名崧字公輔全解

文溪祝氏

名充字廷賓全解

新安張氏

名敦頤撰音辯并後序

龜山楊氏

名時字中立有語錄行于世

丹陽葛氏

名立方字常之撰韻語陽秋

海濱馬氏

名永卿有語錄

建安嚴氏

名有翼字冲甫著韓文切證

莆陽方氏

名崧卿著
韓文舉正

武夷吳氏

名棧字朝老
撰協音古韻

莆陽顧氏

名伯邨著
詩協音

閩南鄭氏

名樵字渙仲
著毛詩協韻

三山李氏

名樗字适仲
校正昌黎集

莆陽鄭氏

名耕老字谷叔
校正昌黎集

簡齋陳氏

名汝義字去非
校正昌黎集

元城劉氏

名安世字器之
校正昌黎集

致堂胡氏

名寅字明仲
著讀史管見

安定胡氏

名安國字康侯
校正昌黎集

上蔡謝氏

名良佐
字顯道

梓溪陳氏

名元裕
字德寬

永嘉陳氏

名鵬飛
字少南

吳氏

名績著唐
書糾繆

吳氏

名曾字虎臣
著唐書糾繆

謝氏

名无逸校
正昌黎集

盱江李氏

名朴字先之
校正昌黎集

永嘉周氏

名行已字恭叔
校正昌黎集

建安蔡氏

名夢弼字傳卿
纂註昌黎集

句章高氏

名元之字端叔
校證昌黎集

象山陸氏

名九淵校
證昌黎集

陸氏

名九齡校
證昌黎集

蔡氏

名寬夫有
詩話集

濂溪周氏

名惇願字茂叔
校證昌黎集

橫渠張氏

名載字子厚
校證昌黎集

兼山郭氏

名忠孝字立之
校證昌黎集

白雲郭氏

名雍字子和
校正韓文

雲谷蔡氏

名元定
字季通

程氏

名至道著
昌黎年譜

龍圖劉氏

名煜重次
昌黎外集

雪川沈氏

名瀛字子壽議
論見竹齋集

孫氏

名傳字伯野
跋韓柳文集

南徐許氏

名開字仲啟
校正昌黎集

丞相周氏

名必大註
昌黎集

鄧山史氏

名彌大字方叔
校證昌黎集

建安魏氏

名校之字元履
校正韓柳文集

縉纓潘氏

名緯著柳
文音辨

穎人王氏

名銍字性之
著韓會傳

新添集註五十家

新添補註五十家

新添廣註五十家

新添釋事二十家

新添補音二十家

新添協音十家

新添正誤二十家

新添考異十家

新添皆逸姓氏

總計五百餘家

慶元六年建安魏仲舉刊於家塾

昌黎集所收評論詁訓音釋諸儒名氏

五百家註昌黎文集卷一

宋 魏仲舉 編

賦

古詩

琴操

感二鳥賦 并序

集註公年二十五登進士第時德宗貞元八年
至十一年公二十八尚未得仕故是年正月
二月三月連上宰相三書宰相趙憬賈耽
盧邁皆庸人不能用五月戊辰東歸自潼關
出息于河之陰遇有獻白鳥白鸛鵠者感而
賦之公進學解云春秋謹嚴左氏浮誇易奇
而法詩正而葩下逮莊騷太史所錄子雲相
如同工異曲先生之於文可謂閎其中而肆

其外矣今其詞賦見於集者四大抵多取騷意此篇蘇子美亦謂其悲激頓挫有騷人之思疑其年壯氣銳欲發其藻章以耀于世蘇語雖少貶然進學解所云不虛矣

貞元十一年

洪慶善年譜曰按公以大厯三年生至今二十八歲序言自七歲至今二十二年則

是二十八歲矣又畫記云貞元甲戌余在京師云云明年出京師至河陽甲戌十年也則是十一年無疑作五年十五年者皆非

五月戊辰愈東歸

孫曰東歸河陽

癸酉自潼關出

潼關

在華陰祝曰左氏以守桃林之塞注桃林在弘農縣東潼關。潼音同

息于河之陰時始

去京師

補注公羊桓九年傳曰京大也師衆也天子之居必以衆大之辭言之

有不遇時

之歎行見有籠白烏白鸚鵡而西去者

樊曰舊史德宗紀貞元十一年

六月河陽號於道號呼也

曰某土之守某官

孫曰某土州名祝曰諸侯

為天子守土曰守書五載一巡守是也守音符。一作某土之守臣某禮王藻諸侯之於天子曰某土之守臣

某使使者進於天子

祝曰使者將命者也論語使使者出。下使字疏更切

東西行

者皆避路莫敢正目焉

補注莫敢正目謂不敢仰視也

因竊自悲幸生

天下無事時承先人之遺業

孫曰公父仲卿最知名

不識干戈未

耜攻守耕穫之勤讀書著文自七歲至今凡二十二年

其行已不敢有愧於道其間居

祝曰間暇也禮記孔子間居音閑

思念

前古當今之故亦僅志其一二大者焉選舉於有司

有一

下與百十人偕進偕退曾不得名於薦書

嚴有翼曰謂應博學宏辭

科試也公三上宰相書云三選於吏部卒無成者是也

齒下士于朝

補注王制孟子皆曰下士

祿足以代耕

以仰望天子之光明今是鳥也惟以羽毛之異

羽上一有其字

非有道德智謀承顧問贊教化者乃反得蒙採

擢薦進

得下一有皆字

光耀如此可以人而不如鳥乎

樊曰禮記大學

可以人而不如鳥乎以字一本作為姚鉉本無此八字

故為賦以自悼且明夫遭

時者雖小善必達不遭時者累善無所容焉

補注累善猶衆善也

其辭曰

吾何歸乎吾將既行而後思誠不足以自存苟有食其

從之出國門而東驚

祝曰驚馳也楚辭歷廣漢兮馳驚選云化龍東驚音務

觸白

日之隆景

韓曰選左太冲詩皓天舒白日靈景耀神州孫曰言時盛暑也

時返顧以流

涕

韓曰騷云忽反顧以流涕兮

念西路之差永

孫曰西路京師所在路一作洛

過潼

關而坐息窺黃流之奔猛

孫曰黃流黃河補注物理論曰河色黃赤象川之流蓋濁

也博物志云崑崙出五色雲氣五色流水東南流黃水入中國為河

感二鳥之無知方蒙

恩而入幸

韓曰欄衡鸚鵡賦云矧禽鳥之微物能馴惟擾以安處眷西路而長懷望故鄉而延佇

進退之殊異

孫曰進謂二鳥退謂已也

增余懷之耿耿彼中心之何

嘉

一作其何意祝曰意悅也前漢天子心獨意○意許吏切

徒外飾焉是逞

焉一作而字

余生命之湮阨

祝曰阨限也礙也孟子阨窮而不憫○阨音厄後同

曾二鳥之不

如汨東西與南北

祝曰說文汨水流也楚辭汨余若將不及注去貌疾若流水○汨音聿又

骨亘十年以不居

韓曰楚辭汨徂往而不歸亘一作恒以不居一作而下居蔡曰按公祭老

成文云吾年十九始來京城歐陽哀辭云貞元三年余始至京師舉進士荅崔立之書云年二十時詣州縣求

舉然則公於貞元二年後方舉進士也自辱飽食其有

數

其一作分况策名於薦書

補注李陵贈蘇武詩不如及時清時策名於天衢策一作榮

所好之為賢

蔡曰好音去聲後可以意求之

庸有謂余之非愚

庸寧也昔

殷之高宗得良弼於宵寐

補注書說命高宗夢得說史記高宗夜夢得聖人名曰說

求之野得於傳巖中

孰左右者為之先

孫曰鄒陽曰蟠木根柢輪困奇離而為萬乘器者以

左右先為之容也。一有容字

信天同而神比

蔡曰比毗至切輔也

及時運之未

來或兩求而莫致雖家到而戶說

韓曰騷云衆不可以戶說晉庾亮曰天下

之人何可門到戶說說一作曉

祇以招尤而速累

嚴有翼曰累力偽切

蓋上天之

生余亦有期於下地

孫曰期謂欲立功名於世蔡曰書金縢篇用能定爾子孫于下地

盍求配於古人

蔡曰盍音闔何不也

獨怊悵於無位

祝曰楚辭怊悵而自悲注

恨貌孫曰言有其志而無其位不能有為也。怊音超

惟得之而不能

一作孤

乃鬼

神之所戲幸年歲之未暮庶無羨於斯類

樊曰歐陽文忠讀李習之

幽懷賦以謂翱一時有道而能文者莫若韓愈愈嘗有賦矣不過羨二鳥之光榮歎一飽之無時爾是心使光榮而飽則不復云矣若翱獨不然其賦曰衆囂囂而雜處兮咸歎老而嗟卑視余心之不然兮慮行道之猶非怪神堯以一旅取天下兮後世子孫不能以天下取河北以為憂嗚呼使當時君子皆易其歎老嗟卑之心為翱所憂之心唐之天下豈有亂興亡哉歐陽子之論善矣雖然公不云乎文章之作常發於羈旅草野至王公貴人氣得志滿非性能而好之則不暇以為感二鳥賦蓋所謂發於羈旅草野者使其先榮而飽憂天下之心孰謂公一日忘耶

復志賦 并序

樊曰公貞元八年擢進士第十一年猶未得仕東歸十二年始佐汴州明年又辭以疾詳夫出處此賦不待講而明矣其句法步驟離騷往往相似補注晁無咎嘗取此賦於變騷而系之曰蓋愈自傷幼學既壯而弗獲思復其志以晉知己欲去未可云

愈既從隴西公平汴州

隴西公董晉也韓曰晉拜尚書左僕射汴州刺史受命遂行公

及劉宗經韋弘景實從之辟公為汴州觀察推官孫曰貞元十二年七月以東都留守董晉為宣武軍節度使平鄧惟恭李迺之亂辟公為其明年七月有負薪之疾其府推官詳見晉行狀中

樊曰負薪賤者之稱禮記問庶人之子長曰能負薪矣幼曰未能負薪也又君使士射不能則辭以疾曰某有負薪之憂鄭氏注憂亦作疾孫曰公羊注云大退休于夫病曰犬馬士病曰負薪公病作此賦故云

居作復志賦其辭曰

居悒悒之無解兮

祝曰悒憂悒說文云不安也選云良增悒悒孫曰無解者無以自解也。

悒音邑解

獨長思而永歎

祝曰永歎長息也詩況也永歎樊曰騷云心鬱鬱之憂思

一作辭

今獨永歎手增傷。歎音難

豈朝食之不飽兮寧冬裘之不完昔余

之既有知兮

補注既有知謂稍長也

誠坎軻而艱難

祝曰坎軻不平易貌喻不

得志選坎軻長苦辛。軻枯我切坎或作輶

當歲行之未復兮從伯氏以南

遷

孫曰歲行十二年而一復大歷十二年公從兄會南遷韶州時年十歲故云歲行未復也伯氏兄稱詩伯

氏吹塤仲氏吹簫

凌大江之驚波兮過洞庭之漫漫

蔡曰按唐地理志洞

庭在岳州巴陵縣郭璞注山海經云洞庭地穴湖水廣
圓五百餘里日月若出沒於其中祝曰漫漫大水貌選

歸海流漫漫至曲江而乃息兮蔡曰唐地理志韶州治曲江縣逾南紀

之連山韓曰唐一行以天下山河之象存乎兩戒分南北紀韶在南紀之外焉孫曰詩滔滔江漢南國

之紀南紀猶言南方也逾南紀之連山謂盡南方之山言遠也補注南紀字杜詩多用如南紀風濤壯南紀阻

歸楫相國生嗟日月其幾何兮孫曰言至韶未幾也攜孤嫠而北

旋補注携挈也孤謂孤兒嫠謂寡婦左氏傳云莒子殺其夫已為嫠婦孫曰謂會卒於韶州公從嫂歸墓河

陽携戶圭切嫠音釐值中原之有事兮將就食於江

之南樊曰公遭值梁崇義李希烈朱泚之亂中原騷然乃避地江南孫曰公嘗居宣城。一作江南無之

字蔡曰建中二年成德魏博山南平盧節度相繼稱亂
三年王武俊李希烈反四年涇原姚令言犯京師德宗
幸奉天朱泚犯奉天興元元年李懷光反如梁州貞元
元年公以中原多故避地江左祭嫂鄭夫人云既克反
墓遭時艱難百口偕行
避地江濱正謂此也
始專專於講習兮非古訓為無

所用其心

古一作古

窺前靈之逸迹兮

靈一作修

超孤舉而幽尋

既識路又疾驅兮孰知余力之不任

堪也音任

考古人之所

佩兮閱時俗之所服

韓曰騷云審吾法夫前修兮非世俗之所服孫曰服亦佩也考古之

所佩與時之所服言當世之士不

忽忘身之不肖兮

樊曰

騷云忽忘身之貧賤

謂青紫其可拾

韓曰夏侯勝謂諸生曰經術苟明取

青紫如俯拾地芥耳補註梁劉孝標辨命論曰視韓彭之豹變謂驚猛致人爵見張桓之朱紱謂明經拾青紫

豈知有力者運之而超乎公此語事本夏侯勝傳而意取劉孝標論自知者為明孫曰

知人者知自知者明為明一作不明故吾之所以為惑唐曰言自知者為明而吾不能自知

惑也吾下一有志字擇吉日余西征韓曰騷云厯吉日乎吾將行亦既造

夫京師孫曰京師在西故云西征公貞元二年自宣城至京師既一作冀君之門不可

逕而入兮逕一作徑遂從試於有司惟名利之都府兮孫曰言京

師特名利之都會也補注史記張儀傳曰爭名者於朝爭利者於市今三川周室天下之朝市也此用其意

美眾人之所馳韓曰美乃也騷云美眾人之所仇。美驅羊切作差非所馳一作所持一作四

馳競乘時而射勢兮

補注班彪曰乘時射利商人之功此借用其語以譏世也。一本作

射利兮又一作附勢兮

紛變化其難推全純愚以靖處兮

靖一作自將

與彼而異宜

孫曰彼謂乘時射勢之人

欲奔走以及事兮顧初心而

自非朝騁驚乎書林兮夕翱翔乎藝苑

韓曰揚雄長楊賦云并包書林

劇秦美新云發祕府覽書林遙集乎文雅之囿翱翔乎禮樂之場班固賓戲云真婆娑乎藝術之場休息乎篇籍之囿樊曰騷云朝騁驚

諒却步以圖前兮

蔡曰却去約切退也

乎江皋夕弭節乎北渚

家語儒行篇是猶卻步而欲求及前人也

不浸近而

得也前漢劉向傳猶卻行而求及前人也

逾遠

樊曰騷云不寔近兮愈疏

哀白日之不與吾謀兮至今十年其猶

初韓曰騷云至今

豈不登名於一科兮

補注貞元八年公登第

曾不

補其遺餘

遺一作逋

進既不獲其志願兮退將遁而窮居

樊曰

騷云進不入以離尤

排國門而東出兮

孫曰貞元十一年公東歸

嗟

余行之舒舒

嗟一作慨

時憑高以迴顧兮涕泣下而交如

蔡曰

易大有卦

戾洛師而悵望兮

孫曰戾止也詩我客戾止洛師洛陽也○戾音荔

聊浮遊以躊躇

祝曰莊子聖人躊躇以興事注從容也韓曰騷云聊浮遊以逍遙○躊音躊躇

音假火龜以視兆兮

火一作大

求幽貞之所廬

補注幽貞隱者易幽人貞

吉廬寄也曹植節遊賦曰非吾人之所廬韓曰顏延年拜陵廟詩幼壯困孤介未暮謝幽貞樊曰騷云求渠嫂

之所甘潜伏以老死兮不顯著其名譽祝曰譽美稱也易括囊無咎無

譽音歟非夫子之洵美兮樊曰夫子謂董晉也孫曰詩洵美且都洵信也吾何為

乎浚之都樊曰浚之都汴州也祝曰詩在浚之都。浚音竣蔡曰公貞元二年丙寅始自江南入京

師十一年乙亥春三上宰相書不遇夏東歸秋至洛陽

十三年丙子秋從董晉入汴州晉辟署試校書郎為汴

宋濠潁泗州觀察推官凡十餘蔡曰論

年矣故上云至今十年其猶初語里仁

猶知獻其至愚固余異於牛馬兮固一作顧寧止乎飲水

而求芻伏門下而默默兮竟歲年以康娛竟一作辛時乘間

以獲進兮蔡曰乘間下音閑暇也又居覓切空隙也楚辭九章篇願乘間而自察顏垂歡

而愉愉仰盛德以安窮兮又何忠之能輸

韓曰騷云又何芳之能祗

昔余之約吾心兮誰無施而有獲

樊曰騷云孰無施而有報兮孰不實而有

獲嫉貪佞之洿濁兮

祝曰說文洿濁水不流孟子數畧不入洿池○洿注胡切

曰吾

其既勞而後食

蔡曰禮記儒行篇先勞而後祿不亦易祿乎

懲此志之不修

兮愛此言之不可忘

韓曰騷云證此言之不可聊

情怊悵以自失兮

蔡曰楚辭七諫篇情怊悵而自悲

心無歸而茫茫

而一作之者非

苟不內得其

如斯兮孰與不食而高翔抱關之阨陋兮

韓曰孟子抱關擊柝注抱

關擊柝監門之職也祝曰阨與隘同音左氏所遇又阨一作厄

有肆志之陽陽

補注詩君子陽

陽注陽陽無所用其心也或曰當作揚揚言抱關擊柝
士之賤者猶揚揚自得如晏子之御擁大蓋策駟馬意
氣揚揚也伊尹之樂於畎畝今補注孟子曰伊尹耕於

事見史記

伊尹之樂於畎畝今

補注孟子曰伊尹耕於

聘之曰我豈若處畎畝之中由是以樂堯舜之道哉

焉富貴之能當

祝曰焉何也詩焉得諼草

音於虔切恐哲言之不固兮

孫曰誓言即上所云嫉貪佞之

樊曰騷云恐

斯自誦以成章

誦一作訟

往者不可復兮

者一下

之冀來今之可望

韓曰騷云往者不可及兮來者不可

閔已賦

補注公嘗佐董晉于汴未幾晉薨尋佐張建
封于徐建封又薨罷去居洛此其所以賦閔

已也其辭云恒未安而既危指此是無咎嘗
取此賦於續楚詞而系之曰愈才高數黜官
頗自傷其不遇故云就水草以休息兮恒未
安而既危君子有失其所兮小人有得其時
蓋思古人靜俟之義以自
堅其志終之於無悶云

余悲不及古之人兮伊時勢而則然

韓曰楚辭哀時命章云哀時命之不

及古人兮夫何予生之不遭時一本無而字

獨閔閔其曷已兮

補注曰左傳王使富辛與

石張如晉請城成周曰閔閔焉如農一作閔閔憑文章以自宣昔

夫之望歲注云閔憂貌一作閔閔

顏氏之庶幾兮

孫曰易顏氏之子其殆庶幾乎

在隱約而平寬

韓曰楚辭居處

愁以隱約兮注謂隱身守約也補注選魏文帝典論云文王幽而演易不以隱約而不務

固哲人之

細事兮夫子乃嗟嘆其賢

孫曰論語子曰賢哉回也一簞食一瓢飲在陋巷人不堪

其憂回也

惡飲食乎陋巷兮

惡烏各切

亦足以頤神而保年

有至聖而為之依歸兮又何苦不自得於艱難

集註蘇內翰為

膠西守孔宗翰作顏樂亭詩其序有曰昔夫子以簞食瓢飲賢顏子而韓子乃以為哲人之細事何哉蘇子曰古之觀人也必於其小焉觀之其大者容有偽焉人能碎千金之璧不能無失聲於破釜能搏猛虎不能無變色於蜂蠆孰知簞食瓢飲之為哲人大事乎司馬溫公又曰子瞻論韓愈以在隱約而平寬為哲人之細事以為君子於人必於其小觀焉光謂韓子以三書抵宰相求官與于襄陽書求朝夕芻米僕賃之資又好悅人以誌詔而受其金其戚戚於貧賤如此烏知顏子之所為哉司馬蘇氏之論當矣雖然退之嘗荅李習之書曰孔

子稱顏回一簞食一瓢飲人不堪其憂回也不改其樂
彼人者有聖者為之依歸而又有簞食瓢飲足以不死
其不憂而樂也豈不易哉若僕無所依歸無簞食瓢飲
無所取資則餓而死亦難乎而此賦又云爾蓋閔已
之不若也東坡溫公獨謂曰余昏昏其無類兮孫曰類
謂朋類
其不然要為顏子言之爾

。曰一
作粵

望夫人其已還

蔡曰夫音符語辭補注
謂望顏子也還一作遠

行舟楫

而不識四方兮涉大水之漫漫

孫曰以水為喻也言無
所依歸若涉大水不知

所勤祖先之所貽兮勉汲汲於前修之言

韓曰騷云不
量鑿而正柶

今固前修以菹醢注前

雖舉足以蹈道兮

補注蹈道字
本穀梁傳云

蹈道則

哀與我者為誰

與許

衆皆捨而已用兮忽自惑

其是非下土茫茫其廣大兮余豈不知其可懷

豈或作壹就

水草以休息兮恒未安而既危

孫曰汴徐二府皆遭亂以去故云

久拳

拳其何故兮亦天命之所宜

所一作本

惟否泰之相極兮

惟字

作憶者非

咸一得而一違君子有失其所兮小人有得其時

聊固守以靜俟兮誠不及古之人兮其焉悲

焉於虔切人下一無

字兮

別知賦送楊儀之

韓曰公以御史言旱飢得罪黜為連之陽山令連在唐屬湖南道時楊儀之以湖南支使

來公為此賦以別之集中又有序送焉蔡曰
按唐書宰相世系儀之者楊凝之子時儀之
伯父憑以御史中丞為湖南觀察使儀之為
府中從事以使事至陽山公與之相見迨歸
使府也作序送之又作
此賦時貞元二十年也

余取友於天下

蔡曰孟子離婁篇尹公之將歲行之兩
他端人也其取友必端矣

周孫曰周謂十二年蔡曰公自興元元年甲子以中原
多故避地江南至貞元十九年癸未凡二十年矣故

云兩下何深之不即上何高之不求紛擾擾而既多
趙本

作伊紛擾咸喜能而好修
蔡曰好音去聲楚辭騷經紛
吾既有此內美兮又重之以

修能余獨好修以為常汝何博謔而好
寧安顯而獨裕

修苟中情更好言好自修潔也

顧阨窮而共愁

第一作塞

惟知心而難得斯百一而為收百

或作

一旦歲癸未而遷逐

蔡曰貞元十九年歲在癸未公時年三十六歲以御史言事冬貶連

州陽山

侶蟲蛇於海陬

祝曰陬隅也前漢吳奔壁東南陬。陬將侯切

過夫人

之來使

蔡曰夫音符語辭使去聲將命者唐曰儀之楊憑客憑時觀察湖南而儀之為支使連為湖南

屬州陽山為

闕公館以羅羞索微言於亂志

蔡曰前漢藝文志音

連屬縣故來仲尼沒而微言絕注微妙之言耳

孫曰公自謂遷謫志思憂亂也發孤笑於羣憂物何

深而不考理何隱而不抽

理一作情一作事

始參差以異序

蔡曰

參差上楚簪切下楚宜切又楚佳切不齊也

卒瀾漫而同流

祝曰瀾漫大水也上即肝切下

莫半切一作爛何此歡之不可恃遂駕馬以迴轉祝曰轉車轅也詩五

禁梁轉補注文意謂儀之訖事而反○轉張流切遂一作卒山礧礧其相軋祝曰爾雅山多

小石曰礧孫曰礧樹蓊蓊其相摻祝曰蓊蓊木茂也前漢觀衆木之蓊蔓摻

杜詩古木龍嵒枝相摻○蓊音翁又烏孔切摻居由切

雨浪浪其不止祝曰浪浪流貌楚辭雷雲浩浩其常浮

補注江淹別賦云風蕭蕭而異響雲漫漫而知來者不

可以數孫曰來者謂儀之蔡曰楚辭哀時命篇徠者不

數音朔者下一有之以字一作比哀去此以無由孫曰

言何由可
以去此

倚郭郭而掩涕空盡日以遲留

元和聖德詩并序

契曰憲宗新舊紀永貞元年八月即位其月
釁南西川節度使韋臯卒行軍司馬劉闢自
稱留後元和元年正月長武城使高崇文為
左神策行營節度使討闢三月崇文克梓州
六月及闢戰鹿頭柵敗之九月克成都十月
闢伏誅二年正月己丑朝獻于太清宮庚寅
朝享於太廟辛卯祀昊天上帝於郊丘還宮
大赦天下此詩正與舊紀合憲宗平夏平江
東平澤潞平蔡平淄青而平蜀平蔡之功尤
卓卓在人耳目者以公此詩及平淮西碑學
者爭誦之習且熟故也。補注穆伯長曰韓
元和聖德詩平淮西碑柳雅章之類皆辭嚴

義偉制作如經能萃然聳唐德於盛漢之表
筆墨間錄云此序乃司馬遷之文非相如文
也蔡曰憲宗元和元年夏六月公自陽山令
召還權知國子博士冬十月會擒劉闢其明
年春正月分教東都
生乃賦是詩以獻

臣愈頓首再拜言曰臣伏見皇帝陛下即位以來誅流

姦臣朝廷清明無有欺蔽

孫曰永貞元年八月庚子憲宗即位壬寅貶右散騎常侍

王伾為開州司馬前戶部侍郎度支鹽鐵轉運使王叔文為渝州司戶九月貶韓泰等為諸州刺史十一月貶中書侍郎平章事韋執誼為外斬楊惠琳劉闢以收夏

崖州司戶誅流姦臣謂此也

蜀孫曰永貞元年八月夏綏銀節度韓全義入朝以其甥楊惠琳知留後宰相杜黃裳以全義出征無功驕

蹇不遜十一月以全義為太子少保致仕以右驍騎將軍李愬為節度使惠琳勒兵拒之元和元年三月詔河東天德等軍合擊惠琳辛巳夏州兵馬使張承金斬惠琳以降此謂收夏也收蜀事見題注

東定青

徐積年之叛

孫曰元和元年閏六月平盧節度使李師古卒弟師道總軍務久之而朝命不至或

請出兵掠四境高沐止之請輸兩稅行鹽法遣使相繼奉表詣京師八月詔以師道為平盧留後此謂定青也貞元十六年五月徐帥張建封卒子愔自為留後朝廷命杜佑討之不克元和元年愔有疾上表請代十一月召愔為工部尚書此定徐也

海內怖駭

祝曰怖駭惶懼也選諭巴蜀檄單于怖駭。怖善故切駭

侯楷

不敢違越郊天告廟

見題注

神靈歡喜風雨明晦

蔡

左氏傳昭公一年天有無不從順太平之期適當今日六氣陰陽風雨晦明也

臣蒙被恩澤日與羣臣序立紫宸殿下

韓曰順宗時朝羣臣於紫宸門

一本作殿陛下

親望穆穆之光

孫曰禮記天子穆穆諸侯皇皇穆穆威儀多貌

況其

職業

況一作而

又在以經籍教導國子

補註元和元年六月公自江陵召入為國

子博士

誠宜率先作歌詩以稱道盛德不可以辭語淺薄

不足以自效為解

洪慶善辨證曰此序云不足以自效為解或以解為辭警動百姓耳目或

以警為驚詩曰血人于牙或

以人為入之類皆流俗妄改輒依古作四言元和聖德

詩一篇凡千有二十四字指事實錄

揚子重黎篇太史遷曰實錄

具

載明天子文武神聖以警動百姓耳目傳示無極其詩

曰

皇帝即祚

補注祚位也谷永傳曰陛下踐至尊之祚為天下主

物無違拒曰暘而

暘曰雨而雨

蔡曰尚書洪範篇八庶徵曰雨暘曰肅時雨若曰又時暘若

維是元年

有盜在夏欲覆其州以踵近武

孫曰踵繼也武迹也韓曰先是德宗建中間李

希烈朱泚等反至是楊惠琳劉闢繼踵而起焉趙本近作其

皇帝曰嘻

孫曰噫嘻歎辭。嘻許其

切

豈不在我負鄙為艱

孫曰負恃邊鄙也

縱則不可出師征之

其衆十旅

孫曰五百人為旅十旅二萬五千人

軍其城下告以福禍腹敗

枝披不敢保聚擲首俾外

俾城上女牆祝曰左氏衛人登俾音脾

降幡夜

豎祝曰降伏也詩我心則降孫曰謂承
金斬惠琳也豎立也。降戶江切疆外之險莫過

蜀土韋臯去鎮劉闢守後血人于牙不肯吐口
韓曰傳言闢嘗

病見問疾者必以手行入其口開庫啗士
祝曰說文啗食也史記往

說秦將啗以利徒
濫切又徒敢切曰隨所取汝張汝弓
補注詩吉日既張我弓既挾我

矢汝伐汝鼓
孫曰春秋傳云伐鼓于社伐擊也補注詩采芑伐鼓淵淵振旅闐闐。一本伐作擊

汝為表書求我帥汝
韓曰傳言闢守後務諷諸將徵旌節事始上聞在列

咸怒皇帝曰然嗟遠士女苟附而安則且付與讀命於

庭
讀一出節少府補注唐百官志云符寶郎凡命將遣使皆賜旌節旌以顯賞節以顯殺蔡

曰按唐志少府監掌供百官儀物

朝發京師夕至其部

孫曰闕既自為留後上初嗣位

未能討是歲十二月以闕為西川節度副使知節度事

闕喜謂黨汝振而伍蜀可

全有此不當受

孫曰闕既得旌節志益驕求兼三川上不許

萬牛齋

祝曰齋切

也莊子不敢食一臠肉與炙同廣韻引周書始燔肉為炙又禮記毋最炙口臠力轉切肉之夜切或曰即載字

側吏切

萬甕行酒以錦纏股以紅帕首

廣韻帕額首飾也補注實錄曰禹會

塗山之夕大風雷震有甲步卒千餘人其不被甲者以紅綃帕抹其額自此遂為軍容之服。帕音麥

恒其兇

恒怯也音匡一作脅

有餌其誘

補注黃石公記曰芳餌之下必

有死夫詩意取此

其出穰穰

祝曰詩降福穰穰注衆也如羊切

隊以萬數

祝曰數計

也周禮各數其閭之衆寡所矩切

遂劫東川遂據城阻

孫曰上既不許

年正月闕遂發兵圍東川節度使李康於梓州欲以同幕盧文若為東川節度使因陷梓州降李康皇帝

曰嗟其又可許爰命崇文分卒禁禦

孫曰初上欲討闕而重於用兵宰相

杜黃裳薦神策軍使高崇文可用元和元年正月命崇文將步騎五千為前軍神策京西行營兵馬使李元奕將步騎二千為次軍與山南西道節度嚴礪同討闕有甲午崇文出斜谷元奕出駱谷同趨梓州三月克之有

安其驅無暴我野日行三十

孫曰賈捐之傳云吉行五十里師行三十里

徐

辟其右

辟毗亦切本亦作壁壁壘也

闕黨聚謀鹿頭是守

孫曰六月闕城鹿頭

闕連八柵屯兵萬餘人以拒崇文崇文擊敗之闕置柵於闕東萬勝堆崇文遣騎將高霞寓攻奪之下瞰闕城

凡八戰皆捷韓曰鹿頭山南距成都百五十里

崇文奉詔進退規矩規一作合戰不

貪殺擒不濫數四方節度整兵頓馬上章乞討俟命起

坐皇帝曰嘉

一作喜

無汝煩苦荆并洎梁

孫曰荆謂荆南節度使裴均并

謂河東節度使嚴綬梁謂山南西道節度使嚴礪也

在國門戶

韓曰晉史西陵國之西門言其要害

也出師三千各選兩醜

補注醜類也

四軍齊作

孫曰四軍即謂荆并梁及

崇文之

殷其如阜

祝曰詩殷其雷注殷轟聲也孫曰殷安也詩如崗如阜釋名土山曰阜殷

音隱殷其一作其殷趙作殷殷

或拔其角

拔一作披

或脫其距

祝曰距難距史記投石超

距。距其呂切

長驅洋洋無有齟齬

祝曰前漢齟者齒不止也說文齟齬不相值也選或

齟齬而不安上牀呂切又壯所切下音語八月壬午闕棄城走載妻與妾包

裏稚乳是日崇文

孫曰壬午八月二十二日

入處其宇分散逐捕搜

原剔藪闕窮見窘無地自處俯視大江不見洲渚遂自

顛倒若杵投曰取之江中

孫曰九月崇文克成都闕與盧文若帥數十騎西奔吐蕃

高霞寓等追之及於羊灌田闕赴

枷脰械手

祝曰脰項也周禮大

江不死擒之崇文遂入自成

都

體短脰

祝曰累索也禮記累索

音豆

婦女累累

祝曰累累乎端如貫珠累力迫切

啼哭拜叩來

獻闕下以告廟社周示城市

韓曰新史闕走自投水不能死騎將鄴定進擒之檻

車送京師獻

廟社徇于市咸使觀覩解脫

繫索祝曰繫係也易有夾

以砧斧婉婉弱子

婉順也音宛

赤立偃僂

偃僂曲躬貌祝曰莊子一命而偃再

命而僂。僂於武切僂音縷

牽頭曳足先斷腰脊次及其徒體骸撐

拄。韓曰傳云斬于城西南獨柳樹下子超郎等九人與部將崔綱以次誅祝曰說文撐表拄也拄從旁指也

古樂府死人骸骨相撐拄末乃取闕駭汗如雨一作瀉揮

刀紛紜爭切膾脯

樊曰此詩蘇黃門獨謂不然且曰此特憲宗命崇文誅一劉闕爾其言闕

棄城走爭切膾脯何其瑣屑之甚謂之造語工則可謂

之得雅體未也詩載文王伐崇武王伐紂固自有體退

之獨不到此邪亦其少年所為文也按公時年四十不可謂少大抵德不足則夸憲宗功烈固偉比文武則有間矣王荆公嘗論詩曰周頌之詞約約所以為嚴威德故也魯頌之詞侈侈所以為夸德不足故也是詩也其

亦魯頌之謂歟。
一本切字作刊
優賞將吏扶珪綴組帛堆其家粟塞

其庾一作倉庾哀憐陣歿廩給孤寡贈官封墓周匝宏溥祝

周匝偏也選屯衛經戰伐地寬免租簿施令酬功急疾

如火韓曰十月減劔南東西川山南西道今歲賦釋脅

從將吏塋陣亡者廩其家五歲賜文武官勲爵

天地中間莫不順序魏幽恒青東盡海浦南至徐蔡孫

魏謂魏博節度幽謂幽州盧龍節度恒謂成德軍節度

青謂淄青平盧節度徐謂武寧軍節度蔡謂彰義軍節

度蔡曰按唐地理志魏州魏郡今大名府幽州范陽郡
今燕山府鎮州常山郡今真定府青州北海郡也魏則
田季安幽則劉濟恒則王士真青則李師道徐
則張愔蔡則吳少誠此皆一時藩鎮之國也
區外雜

虜

孫曰區外方外也雜虜夷狄也

烜威赫德

祝曰烜赫光明也詩赫兮烜兮烜許遠切趙作怛

威報

踧踖蹈舞

補注踧踖恭敬貌論語踧踖如也詩曰手之舞之足之蹈之謂舉手而舞身動

足而蹈

掉棄兵革

掉擲也徒弔切

私習簋簠

孫曰簋簠禮器簋受斛二升內圓而

外方以

來請來覲

孫曰請亦覲也漢時諸侯奉朝請是也

十百其耦

耦謂朋類

韓曰詩十千維耦趙作其數

皇帝曰吁伯父叔舅

孫曰謂當時藩鎮諸帥也禮記天子

之吏天子同姓謂之伯父異姓謂之伯舅九

各安爾位

訓厥眀晦

祝曰周禮不易之地家百畝與畝同

正月元日初見宗祖

元和二年

詳見躬執百禮登降拜俯薦饗新宮

孫曰新宮順宗室一作饗于閼宮

題注

視瞻梁柶

柶楣也祝曰桷端連綿木名選梳柶緣邊孫曰說文云柶者楣也柶音呂

感見容

色淚落入俎侍祠之臣助我惻楚乃以上辛

補注哀元年穀梁傳

曰郊自正月至三月郊之時也我以十二月下辛卜正月上辛如不從則以正月下辛卜二月上辛如不從

則以二月下辛卜三月上辛如不從則不郊矣禮記郊特牲郊之用辛也注云用辛日者凡為人君當齋戒自

新於郊用牡

孫曰是月辛郊有事于南郊牡牛也

除于國南

孫曰除治也周禮祭天於

圓丘在

鱗荀毛簋

孫曰荀簋所以垂鐘磬也橫曰荀飾以鱗屬植曰簋飾以羸屬祝曰周禮

梓人為筍簋○筍思尹切

廬幕周施開揭磊砢

祝曰說文揭高

亦作箕簋國許切又音巨
舉也詩西柄之揭磊砢石縱橫貌選金玉磊砢○揭音竭又桀砢二音磊音傀砢魯可切

獸盾騰拏

孫曰盾以木為之而畫龍文相合載之以蔽馬祝曰用以蔽身詩龍盾之合

拏○盾順允韓曰禮圓丘象天圓丘即圓壇也圓壇帖妥韓曰禮圓丘象天圓丘即圓壇也

舊儀南郊圓壇八韓曰長楊賦天兵四臨幽天兵四羅都先如注稱天者重其威

也孫曰周禮交龍為旗日月為常補注旗常婀娜美貌曹植曰華容婀娜○上哥可切下即

可切旗一作旂駕龍十二孫曰周禮馬八尺以上為魚魚雅雅

韓曰雅雅字見晉史劉悛傳洛中雅雅有宵昇于丘韓

三蝦魚魚字未詳要亦車駕整肅之意日宵昇于丘韓

圓丘莫壁獻夏后氏以酸商以鬯周以爵衆樂驚作

轟駭融冶祝曰轟羣車聲選轟轟聞聞駭相擊也選

轟呼宏切駭

音柴燄噓呵韓曰柴燄柴噓呵火氣

高靈下墮孫曰高靈謂天

星從坐

從才切

錯落侈哆

錯落縱橫分布貌韓曰西都賦隋侯明月錯落其間祝曰說文

哆張口也詩哆兮侈兮注大貌。哆丁可切又昌者切

日君月妃

韓曰禮記君之與后猶日之與

月補注前漢李尋傳曰者衆陽之宗輝光所燭萬物同畧人君之表也唐楊炯渾天儀賦月也者羣陰之紀上

天之使異姓之

煥赫嫫嫫

祝曰嫫嫫身弱好貌樂府珠佩嫫嫫戲金闕孫曰煥赫謂

日君嫫嫫謂月妃。嫫嫫

瀆鬼濛濛

孫曰瀆四瀆之神濛濛

鴻沆茫上莫孔

嶽祗業

孫曰嶽祗四嶽之神業業山

切下胡孔切

業音業

飫羶燎薌

孫曰飫厭也羶羊臭燎焚也薌穀氣

我音我

祝曰禮既奠然後燭蕭合羶薌。一

作飫沃羶薌

薌又一作香 產祥降嘏

孫曰嘏福也詩天錫公純嘏

鳳凰應奏舒翼

自拊

孫曰書蕭韶九成鳳凰來儀應奏應樂章而至也舒展也拊擊也蔡曰帝王世紀帝嘗擊磬鳳凰舒

翼而舞

赤鱗黃龍

孫曰赤鱗黃龍皆王者之瑞漢宣帝時黃龍見廣漢郡因是改元黃龍是也

逶陀結糾

孫曰逶陀結糾容與之貌。逶於為切陀徒河切逶一作委又一作頽陀與迤通用 卿

士庶人黃童白叟踊躍嘆呀

呀張口貌祝曰選舍利呀呀虛加切又音牙 失

喜噎嘔

噎嘔食窒而吐也祝曰噎食塞也詩中心如噎嘔吐也左氏吾伏殺嘔血噎一結切嘔烏后切

乾清坤夷境落塞舉帝車迴來日正當午幸丹鳳門大

赦天下

孫曰南郊禮畢是日幸丹鳳門大赦天下 滌濯剗破

韓曰剗削也平也韓詩勿剗勿敗

磬瓦石洗物祝曰選飛滂相磬。剡楚簡切。磨滅瑕垢。

也。唐滌續功臣嗣拔賢任考。補注考謂老成舊德之人書曰今冲子嗣則無遺壽考。

孩養無告仁滂施厚。孫曰大赦賜文武官勲爵文宣公二王後三恪公主諸王一子官高年。

栗帛羊酒加版。授施字從去聲。皇帝神聖通達先古。一作今古一聽聰。

視明。補注書視遠惟明聽德一作視聽聰明。一似堯禹。洪曰蓋取禮記

魯直云退之文老杜詩無一字無來處。生知法式動得。

後人讀書少故謂韓杜自作此語耳。理所天錫皇帝為天下主並包畜養無異細鉅。異別。億。

載萬年。孫曰十萬為億。敢有違者皇帝儉勤盥濯陶瓦。孫曰盥濯以陶。

瓦之器言其儉也韓

曰禮記器用陶匏

斥遣浮華好此綈紵補注綈厚繒也漢文帝身

衣弋綈紵布

也。綈音題敕戒四方侈則有咎天錫皇帝多麥與黍

無召水旱耗于雀鼠

耗于一作無耗

億載萬年有富無窶

韓曰詩終

窶且貧窶亦貧也羣羽

切。一作富有貧窶皇帝正直別白善否擅命而狂

既翦既去

去除也祝曰周禮去其淫怠與其奇衰之民丘呂切

盡逐羣姦靡有遺

侶注已見上

天錫皇帝龐臣碩輔博問遐觀以置左右

補注商書

置諸左右趙云作左

右非上已有左右字

億載萬年無敢余侮

余一作有皇帝大

孝慈祥悌友怡怡愉愉奉太皇后

孫曰憲宗母昭憲皇太后王氏

決于

族親濡及九有天錫皇帝與天齊壽登茲太平無怠永

久億載萬年為父為母博士臣愈職是訓詁

孫曰職主也爾雅有

釋詁釋訓釋詁者釋古今之異辭釋訓者辨物之形貌訓詁即歌詩也

作為歌詩以配吉

甫

韓曰詩之嵩高烝民韓奕江漢皆尹吉甫美宣王作公今為此詩亦以吉甫自比也

琴操十首

并序

韓曰按琴操十有二公取其十如下所作是也
惟水仙懷陵操乃伯牙所作公削之為之詞者
十事各注于下唐子西云琴操非古詩非騷詞
惟退之為得體退之琴操柳子厚不能作也孫
曰風俗通云凡琴曲憂愁而作命之曰操
操者言困阨窮迫猶不失其操也

將歸操孔子之趙聞殺竇鳴犢作

孫曰史記孔子將西見趙簡子至河聞竇鳴犢舜華之死臨河歎曰美哉水洋洋乎丘之不濟此命也夫子貢曰敢問何謂也孔子曰竇鳴犢舜華國之賢大夫也簡子未得志之時須此兩人而後從政丘聞之也刳胎殺夫則麒麟不至竭澤而漁則蛟龍不遊何則君子諱傷其類也鳥獸之於不義尚知避之而況丘乎乃還孔叢子曰孔子既還乃為操曰翱翔于往復我舊居從吾所好其樂只且蔡曰按竇鳴犢孔叢子作鳴犢竇犂戰國策作鳴犢鐸犂新序作犢犂鐸鳴或又作鳴鐸竇犂諸說不同未知孰是

狄之水兮

唐曰狄水名古琴操云狄水深兮風揚波船楫顛倒更相加歸來歸來胡為斯。一本作

狄水深兮一作秋
之水兮作秋恐誤

其色幽幽我將濟兮不得其由涉其

淺兮石齧我足

祝曰齧噬也禮記
毋齧骨五結切

乘其深兮龍入我舟

我濟而悔兮將安歸尤歸乎歸乎無與石鬪兮無應龍

求

猗蘭操孔子傷不逢時作

韓曰猗蘭操者孔子所作也孔子歷聘諸侯
莫能用自衛反魯隱谷之中見香蘭獨茂喟
然嘆曰夫蘭為王者香今乃獨茂與衆草為
伍乃止車援琴鼓之自傷不逢時託辭於香
蘭云見古琴操孫曰古琴操云習習谷風以
陰以雨之子于歸遠送于野何彼蒼天不得

其所道遙九州無有定處世人聞
蔽不知賢者年紀逝邁一身將老

蘭之猗猗

孫曰猗猗蘭盛貌蔡曰班固揚揚其香

孫曰

西都賦蘭茝發色曄曄猗猗

揚揚其香

香之遠聞也

不採而佩

韓曰左傳蘭有國香人服媚之楚詞

也於蘭何傷

補注文子曰蘭芷不為莫服而不芳君子

何傷於蘭

今天之旋其昌為然我行四方以日以年雪

之意也

霜貿貿

韓曰貿交易也祝曰禮記貿貿音茂

薺麥之茂

孫曰麥

死薺冬生中夏死韓曰西京雜記曰建子如不傷我不

亥之月陰氣之極薺麥始生由陽升也

爾觀

孫曰言我如薺麥之茂當雪霜之時不改其操子

如見傷而用我可也子如不傷我無自貶以見子

之義觀見也

薺麥之茂薺麥之有

孫曰能傲雪霜薺麥之固有

君子之傷

君子之守

補注君子居可傷之時而不易其所守亦猶薺麥之有也

龜山操孔子以季桓子受齊女樂諫不從望龜

山而作

龜山魯山也詩奄有龜蒙在泰山博縣孫曰魯定公十四年齊選國中女子八十人以遺魯季桓子受之樊曰史記季氏受齊樂三日不聽政郊又不致燔俎於大夫孔子時為大司寇遂行宿于屯而師已送曰夫子則非罪孔子曰吾歌可夫歌曰彼婦之口可以出走彼婦之謁可以死敗蓋優哉游哉維以卒歲師已反季子曰孔子亦何言師已以實告季

子喟然嘆曰夫子罪我以羣婢也韓曰古琴操云予欲望魯兮龜山蔽之手無斧柯奈龜山何孔子退而望魯魯有龜山蔽之譬季氏於龜山託勢位於斧柯言季氏之專政猶龜山之蔽魯也

龜之氣兮不能雲雨

補注春秋元命苞曰山者氣之包舍所含精藏雲故觸石布山言龜

山不能然也

龜之枿兮

祝曰枿伐木之餘前漢三枿之一作為雨起李巡曰槁木之餘。枿牙各

切亦作萐

不中梁柱

中丁仲切

龜之大兮祇以奄魯

奄謂覆也

知將隳

兮

祝曰隳毀也老子或載或隳補注將隳蓋取左氏仲尼將隳三都。隳許規切

哀莫余伍

孫曰

言魯將隳壞哀而憐之者莫余若也

周公有鬼兮嗟歸余輔

洪曰蓋言周公如有神其

使余歸輔其君也舊本皆同今本
云周公有所嗟余歸輔恐非

越裳操周公作

集註越裳在交趾國之南孫曰韓詩外傳曰
周成王之時越裳氏重九譯而至獻白雉於
周公曰吾受命國之黃髮言曰久矣天不迅
雷疾雨也海不反溢三年于茲矣意者中國
有聖人乎曷往視之於是乃來韓本注引後
漢南蠻志事同而文少異古琴操曰於戲嗟
嗟非旦之力
乃丈王之德

雨之施物以孳

補注孳謂孳萌施
疾利切孳字思切

我何意於彼為

彼為
周也

自周之先其艱其勤以有疆宇私我後人

孫曰私
猶遺也

我祖

在上四方在下厥臨孔威

孔基也

敢戲以侮孰荒于門孰

治于田四海既均

海一作方

越裳是臣

孫曰言豈有荒于門而能治于田者乎故

必四海既均而後越裳是臣也

拘幽操文王美里作

美里在河內滂陰縣亦作牖里祝曰紂拘文王處莊子曰文王居美里孫曰史記周文王篤仁敬老禮下賢者崇侯虎譖之於紂曰將不利於帝紂囚文王於美里琴錄曰文王見拘美里憂愁無聊援琴而鼓之號曰幽拘操詞曰殷道溷溷浸濁煩兮朱紫相合不別分兮迷亂聲色信讒言兮炎炎之虐使我愆兮幽閉牢穽由其言兮邁我四人憂勤勤兮美

音酉

目揜揜兮

揜覆也音掩

其凝其旨

蔡曰旨眉耕切目無童子

耳肅肅兮聽

不聞聲朝不日出兮夜不見月與星有知無知兮為死

為生

孫曰皆言幽囚之際耳目無所聞見不知為死為生也

嗚呼

蔡曰嗚呼上如字下荒胡切嘆

辭也字或作烏序或作於序又作於戲音義皆同

臣罪當誅今天王聖明

補注伊川

曰退之作琴操有曰臣罪當誅今天王聖明道文王意中事前後之人道不到此徐仲車言退之拘幽操謂文王囚美里作乃云臣罪當誅今天王聖明可謂知文王之用心矣凱風七子之母猶不能安其室而云母氏聖善我無令人重自責也

岐山操周公為太王作

祝曰岐山在岐州今有岐山縣詩居岐之陽
太王古公亶父也樊曰孟子太王居豳狄人
侵之事之以皮幣不得免焉云云乃屬其耆
老而告之曰狄人之所欲者吾地也我將
去之去豳踰梁山邑于岐山之下居焉此
岐山操而曰周公為太王作思乃祖也

我家于豳自我先公

蔡曰豳悲巾切地名公謂慶節也
史記周本紀后稷卒子不窋立夏

后政衰去稷不務以失其官而犇戎狄之間不窋卒子
鞠立卒子公劉立雖在戎狄之間復修后稷之業民賴
其慶懷之而歸卒子慶節立國于豳鄭玄詩譜云豳者
公劉所徙戎狄之地名今屬扶風柁邑孔穎達云漢地
理志右扶風柁邑縣有豳鄉詩公劉所邑是漢時屬扶
風柁邑杜預云豳在新平漆縣東北今邠州是也邠與

幽同一作
我幽于家
伊我承緒敢有不同今狄之人將土我疆民

為我戰誰使死傷彼岐有岵

岵石山載土祝曰楚詞高丘之岵岵七余切孫曰合

作阻謂險阻也

我往獨處人莫余追

一作莫爾余追

無思我悲

蔡曰按詩言我

者皆追指古亶父即太王也周本紀慶節卒八世至古公亶父立復修后稷公劉之業積德行義國人戴之薰育戎狄攻之欲得地與民民皆怒欲戰古公曰今戎狄所為攻戰以吾地與民民之在我與其往彼何異民欲以我故戰予不忍為乃去幽止於岐下幽人復歸之於是古公乃貶戎狄之俗營築而邑居之民皆歌頌其德焉

履霜操尹吉甫子伯奇無罪為後母譖而見逐

自傷作

樊曰履霜操者尹吉甫之子伯奇所作也吉甫聽其後妻之言逐之伯奇編芟荷而衣採杼花而食清朝履霜而自傷無罪見放逐乃援琴而鼓之見樂府古題解孫曰其詞曰朝履霜兮採晨寒考不明其心兮信謔言孤息別離兮摧肺肝何辜皇天兮遭斯愆痛歿不同兮思有偏誰能流顧兮知我冤曲終投河而死補注家語曰曾參遣妻告其子曰高宗以後妻殺孝己尹吉甫以後妻殺伯奇伯奇尹吉甫之子事後母至孝而後母譖之伯奇乃亡走山林說苑王國子奇事與此正同必有一誤

父兮兒寒母兮兒飢兒罪當答

蔡曰前漢車千秋傳逐子弄父兵法罪當答逐

兒何為兒在中野

蔡曰野協音墅郊外也

以宿以處四無人聲誰

與兒語兒寒何衣兒飢何食兒行于野履霜以足母生

衆兒有母憐之獨無母憐兒寧不悲

蔡曰尹伯奇吉甫之長子也吉甫繼

室生子曰伯封欲立之乃紿吉甫曰伯奇好妾若不信君登樓觀之乃盲蜂領中顧伯奇曰蜂螫我為我極之吉甫望見以妻之言為然乃放伯奇伯奇清朝履霜踐車自傷無罪見逐父子離別於是援琴而歌

雉朝飛操牧犢子七十無妻見雉雙飛感之而

作

樊曰吳兢樂府古題解云舊說齊宣王時木犢子所作也木犢子年七十無妻出薪於野

見雄雌雄相隨意動心怨乃仰天嘆曰聖王
在上思及草木鳥獸而我獨不獲因援琴而
歌以自傷其聲中絕魏武帝宮人有盧女者
陰叔之妹七歲入漢宮學鼓琴能傳此曲若
梁簡文帝晨光照妾機但詠雉而已孫曰崔
豹古今注牧犢子齊宣王時人五十無妻出
薪於野見雄雌雄相逐而飛乃作詞曰雄朝
飛兮鳴相和雌雄羣遊於山阿我獨何命兮
未有家時將暮兮可奈何嗟嗟暮兮可奈何

雉之飛于朝日羣雌孤雄意氣橫出

嚴曰橫下孟切一無氣字當東

而西當啄而飛隨飛隨啄羣雌粥粥

集注粥粥雉鳴聲又退懼貌記曰粥

粥若無能之六切或謂粥當作粥音祝
說文呼雞重言之杜詩誰話粥雞翁

嗟我雖人曾不

如彼雉雞生身七十年無一妾與妃

別鵠操商陵穆子娶妻五年無子父母欲其改娶其妻聞之中夜悲嘯穆子感之而作

韓曰舊說商陵穆子所作也見吳兢樂府古題解孫曰崔豹古今注曰商陵牧子娶妻五年無子父兄欲其改娶妻聞之中夜起倚戶而悲嘯穆子聞之愴然而悲乃援琴而歌為別鵠操亦曰別鵠操詞曰將乖比翼隔天端山川悠遠路漫漫攬衾不寐食忘餐後遂為夫妻
○鵠胡督切一
本題云別鵠操

雄鵠銜枝來雌鵠啄泥歸巢成不生子大義當乖離江

漢水之大鵠身鳥之微更無相逢日安可相隨飛

安一作且

殘形操曾子夢見一狸不見其首作

孫曰殘形操事出琴錄其

詳未聞曾子一作魯子

有獸維狸兮我夢得之其身孔明兮

孔甚也而頭不知曰蔡

按大周正樂記曾子鼓琴崔子立戶外而聽之曲終入曰善哉鼓琴乎身已成矣而惜未得其首也曾子曰吾畫卧夢見一狸但見其身不見其頭起而為之絃歌也吉凶何為兮覺坐而思

咸上天兮

韓曰離騷巫咸將夕降兮懷椒糈而要之注巫咸古神巫也當商中宗時降下張衡思立

賦抨巫咸使占夢

識者其誰

南山詩

樊曰按長安志終南山在萬年縣南五十里東自藍田縣界石鰲谷以谷水與長安縣為界東西四十里禹貢曰終南惇物孔注終南山名詩曰終南何有毛注周之名山左傳曰荆山中南九州之險也杜注中南在始平武功縣南漢書太一山又為終南山五經要義曰太一一名終南山在扶風武功縣則終南太一不得為一山蓋終南南山之總名太一其山之別號爾關中記終南山一名中南山言在天之中居都之南也又曰終南太一左右三十里內名福地東方朔曰終南山天下之大阻也其山多玉石金銀銅鐵豫章檀栢異物之類不可勝原此百工取給萬姓所仰足也志所紀終南盡矣公所賦即此凡百有

二韻元和初自江陵法曹召為國子博士作
洪曰此詩似上林子虛賦才力小者不可到
也補注潛溪詩眼云孫革老嘗謂老杜北征
勝退之南山詩王平甫以謂南山勝北征終
不能相服時山谷尚少乃曰若論工巧則北
征不及南山若書一代之事以與國風雅頌
相為表裏則北征不可無而南山
雖不作未害也二公之論遂定

吾聞京城南

孫曰長安城南

茲維羣山囿

孫曰囿園圍言羣山聚此

東西兩

際海

蔡曰福地記終南山北去長安八十里南入楚塞連屬東西數百里

東接驪山太華西連太白隴

巨細難悉究山經及地志

蔡曰謂山海經地理志也

茫昧非受授團

辭試提挈掛一念萬漏

孫曰團集也山經地志既茫昧不詳欲團集其辭而試挈提之

又恐掛一漏萬也

欲休諒不能粗叙所經觀

補注觀見也詩亦既觀止言姑叙其

經行觀見者爾

常昇崇丘望

孫曰崇丘高山

戢戢見相湊

孫曰

登高山以望衆小山

清明出稜角

補注公秋懷詩云南山見高稜。稜魯登

切縷脉碎分繡

孫曰縷絲脉脉也言衆山之狀相錯如繡

蒸嵐相湏洞

孫曰蒸出

為嵐嵐山氣湏洞相渾合之狀補注韓曰杜詩風塵相湏洞淮南子曰未有天地之時鴻濛湏洞莫知其門。

湏胡孔切

表裏忽通通無風自飄簸

祝曰簸揚米也詩不可以簸揚簸音

播又融液煦柔茂橫雲時平凝點點露數岫

樊曰說文岫山穴也

天宇浮修眉

孫曰言遠山橫如修眉也韓曰選洛神賦修眉聯娟注修長也西京雜記文君佼好

眉色如望遠山

補注趙飛燕外傳云合德為

濃綠畫新

薄眉號遠山黛

合德飛燕妹名

宇一作空

就孤撐有巉絕

祝曰巉峻貌巉巖險也杜詩巉絕華岳赤補注南史劉孝標廣絕交論太行孟

門豈云巉絕

巉

海浴褰鵬噉

噉

記中行人面鳥噉音畫

仕檻仕衫二切

補注已上摠

春陽潛沮如

祝曰沮如陷濕地詩彼汾沮如孫曰沮如猶言潤澤也

叙南山大際

沮子魚切如音如

又一音茹去聲

濯濯深吐秀

一作吐

巖密雖律罕

律

山峻也

祝曰史記隆崇律罕韓曰杜詩高

輒弱類含耐

岳前律罕

律音律罕昨沒切又慈邱切

祝曰後漢安車輶輪輶柔也

禮記天子飲耐耐用禮樂注耐之言醇也謂重釀之酒也輶與軟同而充切耐音宙

夏炎百木盛蔭鬱增埋覆

孫曰言草木茂盛埋覆衆山也

神靈日歆歆

祝曰歆熱氣說文歆歆氣出貌歆歆也老子或歆或吹
孫曰言山谷鳴吼如神靈也。歆居驕切歆休居切

雲氣爭結構

韓詩曰選左太冲招秋霜喜刻

祝曰轢車所踐也周

禮大馭犯轢注既祭之以車轢之呂氏春秋云陵轢諸侯音厯一作轢非是磔卓立癯瘦磔裂

也祝曰開也張也爾雅祭風曰磔注磔狗以止風禮記大難旁磔癯瘠也選癯瘠改貌孫曰言草木皆落山卓

然獨立也。磔

陟格切癯音劬參差相疊重剛耿陵宇宙冬行雖幽墨

俗本作黑冰雪工琢鏤新曦照危峨

祝曰曦日光也選隆暑方赫曦。曦音希億

丈恒高表

表廣也祝曰長也東西曰廣南北曰表前漢延表百丈莫候切恒一作亘

明昏無

停態頃刻異狀候

補注已上叙四時變態

西南雄太白

孫曰太白山名在鳳

翔眉縣韓曰在武功縣諺所謂武功太白去天三百是也補注柳子厚云雍州西南界于梁其山太白其地多

寒突起莫間蓮

祝曰蓮倅也齊也雜也左氏僖子使助蓮氏之蓮注蓮倅也補注嵇康曰承

間蓮之○藩都配德運

蓮初救切

孫曰言太白山為帝都藩垣唐土德太白在西南坤位故云配

德分宅占丁戊

孫曰丁戊亦謂西南

逍遙越地位

逍遙谷名詆訐地亦作坤

陷乾竇

祝曰詆訐也史記舞文巧詆竇穴也孫曰言太白非特占西南坤位而已又侵及東北乾位故

云陷乾竇也○詆音郎

空虛寒兢兢風氣較搜漱朱維方曉日陰

霰縱騰糅

祝曰霰雨雪雜也詩先集維霰糅即謂雜糅儀禮無物則以白羽與朱羽糅○霰先見切

糅女昆明大池北

孫曰昆明池在長安西南周回四十里漢武元狩二年作以習水戰去

覲偶晴晝絲聯窮俯視倒側困清漚

祝曰漚久漬也詩可以漚麻。漚烏

候微瀾動水面踊躍躁猱猱

祝曰猱猴屬詩無教猱升木猱鼠屬善旋一云獸名

似猱楚詞猱猱雜處兮虎豹嗥

驚呼惜破碎仰喜呀不

仆祝曰說文仆倒也爾雅寔仆也注頓躓倒仆音敷前

尋經杜墅

萬年縣東南韓曰舊史憲宗紀宰相杜佑與

同列宴於樊川別墅即此也祝曰墅田廬也晉

全蔽畢

原陋

祝曰全塵也後漢益氣全涌孫曰畢原周文武墓處在今咸陽縣西北或曰文王子封於畢此其地

也。全唐崎嶇上軒昂

崎音祈嶇音區始得觀覽富行行將遂

窮

補注謝惠連詩行行道轉遠又古詩行行重嶺陸煩

互走

祝曰走疾趨也孟子獸之走壙也音奏

勃然思坼裂

坼丑格切

擁掩難恕

宥巨靈與夸娥

孫曰郭緣生述征記曰華山對河東首陽山黃河流于二山之間古語云此本

一山當河河水過之而曲行河神巨靈以手擘開其上

以足蹈離其下中分為兩以通河流今睹手迹于華岳

上而脚迹在首陽山下韓曰西京賦巨靈勗負高掌遠

蹠樊曰列子北山愚公欲平太行王屋二山帝感其誠

命夸娥氏二子負二山一厝朔東一厝雍南遠賈期必

自此冀之南漢之東無隴斷焉。夸苦瓜切

售祝曰售賣物出手詩賈用還疑造物意固護蓄精祐

不售。賈音古售承呪切

力雖能排幹

祝曰幹轉也楚辭幹維焉繫。幹烏枯切又音管

雷電怯呵詬祝

詬怒也恥也罵也禮記以儒相詬病詬呼漏切攀緣脫手足注並踳踳抵積贅

祝曰踳踳失道也選踳踳窮波范如試矯首補注范如

注失勢貌。踳七鄧切踳音鄧范如試矯首即范然也

塤塞生恟愁祝曰塤土塊爾雅云塊塤也塞填塞恟愁

曰恟愁愁怨貌寇茂二音樊曰按威容喪蕭爽近新迷

集韻通作霰霰鄙吝心不明也

遠舊拘官計日月欲進不可又因緣窺其湫祝曰前漢

那梁鎮曰泐者龍之所居韓曰南山有炭谷湫湫淵祠朝

公下有題炭谷湫祠詩即謂此湫也。湫音秋凝湛閉

陰罍洪曰罍畜產也公秋懷詩云其下澄湫水有蛟寒

可罍即此也孫曰禮運龍以為罍謂湫中蛟也。

罍音嗅亦作畜又一作魚蝦可俯掇丁括神物安敢寇

獸樊曰作獸者非是

五百家注昌黎文集 三十五

林柯有脫葉欲墮鳥驚救

樊曰其湫如鏡面葉落恐其汚即鳥銜去蓋其神物之靈

如此公題炭谷湫祠堂所謂魚鼈蒙擁護者此也

爭銜鸞環飛投棄急哺鷁

韓曰

鳥生須哺曰鷁自食曰雛祝曰

爾雅生哺鷁生哺雛○鷁音冠旋歸道迴睨

祝曰睨視也禮記睨

而視之音詣

遠枿壯復奏

遠一作達

吁嗟信奇怪峙質能化質

祝曰

貿易也音茂

前年遭譴謫

孫曰謂貞元十九年十二月

探歷

得邂逅

補注詩曰邂逅相遇韓曰此言其出為陽山過藍田縣所經見也

初從藍田入

補注藍田縣名

顧眄勞頸脰

補注脰項也公羊傳時天云絕其脰○脰音豆

今在雍州有闕

時天

晦大雪

唐曰公兩謫南方皆由藍闕又皆遇冰雪其謫陽山以十二月江陵途中寄三學士詩云商山

冬季月冰凍絕行轉其謫潮州雖以正月然亦遇雪藍田驛詩云雪擁藍關馬不前是也淚目苦矇

瞽祝曰瞽目不明莊子子適有峻塗拖長冰直上若懸瞽病注風眩冒亂。瞽音茂

溜褰衣步推馬推他顛蹶退且復祝曰顛仰倒也蹶失脚也莊子為顛為蹶

注顛倒蹶敗復返也又也禮記言偃復問。顛音都年切蹶音厥復扶富切蒼黃忘遐晞祝曰

晞視也揚子如不欲晞則已孫曰遐晞所矚纔左右祝曰

速望忘遐晞言不能遠望也。晞音希

矚亦視也選西矚杉篁咤蒲蘇祝曰咤噴也禮記杲耀興遊歎。矚音燭杉篁咤蒲蘇無咤食陟駕切

攢介冑祝曰攢聚也楚詞專心憶平道脫險逾避臭注補

呂氏春秋曰人有大臭者其昨來逢清霽宿願忻所副

所一嶢嶢躋冢頂

嶢嶢山峻也馮衍曰觀壺日之嶢嶢祝曰楚詞下嶢嶢而無地嶢助耕切

嶢音

倏閃雜鼪鼪

鼪鼪蟲似鼠者祝曰爾雅云鼪鼪夷由注謂之飛生又曰鼪鼠注鼪似鼪

宏倏閃雜鼪鼪

赤黃色大尾啖鼠

前低劃開闊

祝曰錐刀曰劃前漢劃崇墉音畫又忽麥切

○鼪音吾鼪音又

瀾漫堆衆皴

瀾蜀本皆作瀾皴韓本作皴皴石墓也○皴平邁切

或連若相從或

蹙若相關或妥若弭伏

祝曰妥安也詩以妥以宥注安坐也吐火切

或竦若

驚雉或散若瓦解

韓曰前漢匈奴傳其因敗瓦解雲散矣○解胡賣切

或赴若輻

湊

韓曰選輻奏同奔言如車輻之輳車較也輻一作輪

或翩若船遊或決若馬驟

或背若相惡或向若相佑或亂若抽筍或嶮若炷灸

祝

嶠山小而不安貌選嶠嶠屹嶠或錯若繪畫或繚若篆

炙灼也。嶠五結切灸音疾

籀祝曰繚繞也楚詞佩續紛以繚轉韓曰史籀周宣王

時太史名造大篆以故有籀文選云篆籀之則。繚

音力少切或羅若星離補注選鮑明遠舞鶴或若雲

逗漢祝曰蒨鬱也選納歸雲之鬱蒨逗遛止也前或浮若

波濤或碎若鋤耨或如賁育倫韓曰夏育孟奔秦之勇

賁育注夏育孟奔皆衛人。賁音奔賭勝勇前購孫曰購以先強勢已出

後鈍嗔誼譎也誼譎不能言也祝曰玉篇誼譎詁說或如

帝王尊叢集朝賤幼雖親不褻狎雖遠不悖謬補注晁說之語

錄云韓文公詩號狀體謂鋪叙而無含蓄也
若雖親不褻狎雖遠不悖謬該於理多矣
或如臨食

案肴核分飮餽

祝曰詩穀核維旅注穀豆實也核加籩也餽玉篇云貯食也。肴何交切核音

翻飮力定切

又如遊九原

孫曰禮記趙文子與叔譽觀乎九原九原晉卿大夫墓處

墳墓包柳柩或累若盆甕或揭若登豆

孫曰爾雅木豆謂之豆瓦豆謂

之登揭音許又桀錫二音登豆一本作甕恒

或覆若曝鱉或顏若寢獸

顏一作頑

寢一作偃

或蜿若藏龍

祝曰蟠蜿龍貌楚詞駕八龍之蜿或又曰龍屈兮蜿蟺。蜿一丸切

翼若搏鷖

祝曰鷖鳥名山海經云景山多鷖黑色多力補注陸璣云鷖鳩目上骨露幽人謂之鷖。

鷖音就

或齊若友朋或差若先後

洪曰友朋一作隨迎蓋不知先後之義妄改之

耳前漢志云見神於先後宛若注云兄弟妻關中呼為
先後祝曰方言先後猶娣姒補注先後導從也詩予曰
有先後。先蘇或迸若流落或顧若宿留祝曰宿留有
見切後音候

記宿留之數日無所見又武帝或戾若仇讎或密若婚
宿留海上。宿音秀留音雷

媾蔡曰左傳隱十年如舊昏媾或儼若峨冠或飜若舞
注婦之父曰昏重昏曰媾

袖或屹若戰陣祝曰屹山貌選屹山或圍若蒐狩孫曰
時以紆鬱魚乙切

獵名爾雅春獵為蒐夏為苗或靡然東注補注隨地理
秋為獮冬為狩蒐疎鳩切

流波瀾或偃然北首祝曰首嚮也楚詞登或如火熺煙
東注

熺熺也祝曰選耀華屋而熺洞房或若氣饋餽祝曰饋
音僖孫曰與熹同一本作焰煙

爾雅饋餽稔也注餐飯為饋饋熟

為餽上音分又扶丈切下音溜

或行而不輟或遺而

不收

祝曰收獲也易井收勿幕音狩

或斜而不倚或弛而不彀

補注彀張弓也

或赤若禿鬣

祝曰鬣說文云鬣禿也孫曰頭瘡○鬣容八切又丘閑切

或燠若紫櫨

祝曰櫨積火以燎詩薪之櫨之○櫨余救切

或如龜拆兆

孫曰鑽龜之象謂之兆

或如

卦分繇

韓曰繇占辭左傳姜氏問繇音宙

或前橫若剥

蔡曰易剥䷖坤下艮上剥曰剥

剥或後斷若姤

蔡曰姤䷫巽下乾上剥曰姤遇也

延延離又屬

孫曰屬續也之

切夬夬叛還溝

遇

喁喁魚闔薄

祝曰喁喁魚口也吳越春秋云天下喁喁

闔馬出門貌公羊開之則闔然注出頭貌○喁音願闔丑禁切

落落月經宿

祝曰宿列星也莊子

日月星宿音秀

閭閭樹牆垣巖巖架庫廡

祝曰巖山形如甑詩陟則在巖魚偃切

參參削劍戟

祝曰參參不齊貌詩參差荇菜。參楚審切

煥煥銜瑩琇

祝曰

耳琇瑩注美石也

瑩音營琇音秀數數花披萼閭閭屋摧雷

祝曰雷屋簷也又屋

水流也禮記其祀中雷

悠悠舒而安兀兀狂以狃

祝曰狃習

也前漢姦有所隱則

超超出猶奔蠢蠢駭不懋

補注已上並叙

其經歷所

大哉立天地經紀肖營膝

孫曰肖象也謂象營衛膝理膝音膝

見之狀

厥初孰開張僂僂誰勸侑

祝曰僂僂猶俯仰也侑勸食周禮以樂侑食僂武盡切侑

音宥僂僂

一作僂仰創茲朴而巧勦力忍勞疚得非施斧斤無乃

假詛呪鴻荒竟無傳功大莫酬儼

祝曰儼賃也前漢或不償其儼費即就切

莫一嘗聞於祠官

蔡曰史記高祖紀二年令祠官祀天地四方上帝山川以時祠之封禪書

高祖令長安置祠祝而南山巫祠南山秦中

芬苾降歆

祝曰芬苾馨香氣也詩苾苾芬芬又

苾芬孝祀孫曰歆歆謂神享之也苾蒲必切歆許救切與嗅同

斐然作歌詩惟用贊報

孫曰言作歌詩以贊助報酺之曲酺亦報也音又韓

曰是詩凡百有二韻始摠叙四時之變次叙南山連亘之所止其末則叙其經歷之所見焉

謝自然詩

集注曰果州謝真人上昇在州城西門外金泉山貞元十一年十一月十二日白晝輕舉

州人盡見時郡守李堅以狀聞且為之傳上
賜詔褒諭有曰所部之中靈仙表異元風益
振至道彌彰今此郡石刻在焉公生平力主
吾道斥佛老排異端故其詩意有所不取

果州南充縣寒女謝自然

孫曰寒女貧女也韓曰選邪
秦機答傳咸詩寒女雖巧妙

不得乘
杼機

童駭無所識

祝曰駭癡也前漢內實
駭不曉政事駭語駭切

但聞有神

仙輕生學其術乃在金泉山

見題

繁華榮慕絕父母慈

愛捐

捐棄也

凝心感魑魅

補注左傳投諸四裔以禦魑魅
注魑山神獸形魑說文作𧈧云

祝曰恍惚髣髴貌禮記

老物精也。魑抽
知切魅明秘切

恍惚難具言

祝曰恍惚髣髴貌禮記
以其恍惚以與神明交

。恍惚晃切
惚呼骨切

一朝坐空室雲霧生其間如聆笙竽韻來

自冥冥天白日變幽晦蕭蕭風景寒
簷楹氣明滅五色

先屬聯觀者徒傾駭躑躅詎敢前

祝曰躑躅不進貌楚詞待天明兮立躑躅

韓曰鮑照行路難云吞聲躑躅不敢言上直炙切下厨玉切

須臾自輕舉飄若風中

煙茫茫八絃大

孫曰淮南子九州之外有八蠻八貊之外有八絃祝曰列子八絃九野之水注

八極也絃音宏

影響無由緣里胥上其事

補注里胥里吏也

郡守驚

且觀

補注郡守即李堅也觀一作歡

驅車領官吏叱俗爭相先入門無

所見冠屨同蛻蟬

祝曰蛻去皮也楚詞濟江海兮蛻蟬韓曰夏侯湛作東方朔畫贊曰蟬蛻

童變棄俗登仙音稅

皆云神仙事灼灼信可傳余聞古夏后象物

知神姦山林人可入魍魎莫逢旃

樊曰左傳宣公三年楚子問鼎之大小輕

重王孫滿對曰在德不在鼎昔夏之方有德也云云鑄鼎象物而為之備使民知神姦故民入川澤山林魍魎

魍魎莫能逢之此曰莫逢旃旃之也

逶迤不復振

孫曰言此

韓曰選西京賦魍魎魍魎莫能逢旃

事不復振起也後世恣欺謾幽明紛雜亂人鬼更相殘秦皇雖

篤好漢武洪其源

孫曰秦始皇漢武帝皆好神仙使人入海求蓬萊方丈洪大也

自從

二主來此禍竟連連

補注莊駢拇篇又奚連連如木石膠漆纏糾連結也竟一作競

木石

生怪變狐狸騁妖患

祝曰患字義與去聲同見楚詞屢離憂而逢患音還一作妍

莫

能保性命安得更長延人生處萬類知識最為賢奈何

不自信反欲從物遷

補注書君陳曰惟民生厚因往者物有遷此言為異物所遷耳

不可悔孤魂抱深冤來者猶可誠余言豈虛丈人生有

常理男女各有倫

蔡曰倫匹也孟子飲食男女人之大倫也

寒衣及飢食在

紡績耕耘

韓曰遷陶潛詩但願桑麻成蠶月得紡績紡一作蠶

下以保子孫上以

奉君親苟異於此道皆為棄其身噫乎彼寒女永託異

物羣感傷遂成詠昧者宜書紳

孫曰語子張書諸紳紳大帶也

秋懷詩十一首

樊曰秋懷詩十一首文選詩體也唐人最重文選學公以六經之文為諸儒唱文選弗論

也獨於李荊墓誌之曰能暗記論語尚書毛詩左氏文選而公詩如自許連城價傍砌看紅藥眼穿長訝雙魚斷之句皆取諸文選故此詩往往有其體韓曰此詩多自感其趨尚不與世合故末章有避語寗觸心兵之句繼又以霜菊自歎可見一時直道之不容也

憲前兩好樹衆葉光蕤蕤

祝曰詩黍稷蕤蕤文選庭前有佳樹綠葉發華滋。蕤音

擬

秋風一披拂策策鳴不已微燈照空牀夜半偏入耳

愁憂無端來感歎成坐起天明視顏色與故不相似義

和驅日月

孫曰義和日月御也主運行日月韓曰當作驅白日廣雅云義和日御也又杜詩云義和

鞭白日暮曰按張揖廣雅日御曰義和山海經東南海之外甘水之間有羲和之國有女子名曰羲和是生十

日常浴日於甘淵郭璞注云蓋天地始生主日者也淮南子爰止羲和爰息之螭是謂懸車注云日乘車駕以文龍羲和御之日至此而薄於虞淵羲和至此而迴疾急不可恃浮生每多塗一

作趨死惟一軌胡為浪自苦得酒且歡喜

白露下百草

樊曰宋玉九辯云皇天平分四時兮竊獨悲此康秋白露既下百草兮奄離披此梧

楸

蕭蘭共憔悴

孫曰蕭蘭二草名以喻君子憔悴一作凋

青青四牆下已復

生滿地

孫曰青青衆草貌以喻小人補注後山詩牆根霜下草又作一番新意本於此

寒蟬暫

寂寞蟋蟀鳴自恣

韓曰楚詞九辯蟬寂寞而無聲又云蟋蟀鳴此西堂皆宋玉悲秋之詞也

運行無窮期稟受氣苦異適時各得所松柏不必貴

孫曰

言君子不必見貴
自歎傷之詞也

彼時何卒卒

祝曰卒忽也孟子卒然問曰云云音蒼沒切蔡曰前漢書司馬遷傳卒卒無須臾之

間顏師古曰卒

我志何曼曼

祝曰曼長也音萬

犀首空好飲

樊

卒促遽之意也

史記犀首者魏人也名衍姓公孫氏司馬彪曰犀首魏

官名楚使陳軫使秦過梁見之曰公何好飲也曰無事

也

廉頗尚能飯樊曰廉頗趙將以饒奔魏其後趙王使

肉十斤被甲上馬以示可用使

者還報曰廉將軍雖老尚善飯

學堂曰無事驅馬適所

願茫茫出門路欲去聊自歎

一作

歸還閱書史

一作簡書文

字浩千萬陳跡竟難尋

一作誰

賤嗜非貴獻

韓曰負日之暄而欲獻君

食芹之美而欲進御貴賤固有差矣
詩意大抵以其所嗜不與時偶焉

丈夫意有在女子

乃多怨

秋氣日惻惻秋空日淩淩上無枝上蜩

祝曰蜩大蟬也詩五月鳴蜩音

條下無盤中蠅豈不感時節耳目無所憎清曉卷書坐

南山見高稜其下澄秋水

祝曰即公南山詩因緣窺其秋炭谷秋也

有蛟寒

可罾

祝曰罾魚網也莊子鈞餌網罾罾苟之知多音魯

惜哉不得往豈謂吾無

能

離離掛空悲感感抱虛警露啼秋樹高

啼一作滴又作泣蟲弔

寒夜永斂退就新懦趨營悼前猛歸愚識夷塗汲古得

修綆

祝曰綆繩也左氏具綆注注汲索韓曰荀子短綆不可以汲深井之泉音梗

名浮猶有

恥

浮過也韓曰禮記先王恥名之浮於行也

味薄真自幸

韓曰國語厚味腊毒

庶幾遺

悔尤即此是幽屏

韓曰幽屏隱僻之處祝曰選張衡曰離挿幽屏屏必郢切○葛立方曰此

則陶潛歸去來辭覺今是昔非之意似有所悟也

今晨不成起端坐盡日景蟲鳴室幽幽月照窗同同

韓曰

同同窗牖明也孫曰秋月明貌孫綽曰同同秋月明○同居永切

喪懷若迷方

韓曰列子秦人

逢氏子有迷罔之疾天地四方寒暑無不倒錯者若一作苦

浮念劇含梗

古杏切

塵埃

慵伺候文字浪馳騁尚須勉其頑王事有朝請

樊曰前漢吳王

漢使人為秋請孟康

曰律春日朝秋日請

秋夜不可晨

補注選陸士衡挽歌詩云大暮安可晨晨明也

秋日苦易暗我無汲

汲志何以有此憾寒雞空在棲缺月煩屢瞰

祝曰楚詞馮崑崙以瞰霧

露注瞰視也

有琴具徽絃

祝曰徽繩也前漢高張急徽韓曰晉陶潛傳畜素琴一張徽絃

不具徽吁韋切

再鼓聽愈淡古聲久埋滅無由見真濫

濫偽也韓曰禮記古

樂和正以廣新樂嘉聲以濫

低心逐時趨苦勉祇能暫有如乘風船一

縱不可纜

祝曰纜用以維舟選繫纜臨江樓音濫

不如覩文字

祝曰覩同視也說文拘覩

未致密也補注後山詩云早年著

丹鉛事點勘

韓曰選范始興立太

宰碑表人蓄油素家懷鉛筆注鉛粉筆也所以理書也蔡

曰王充論衡揚雄采集異國殊語常把三寸弱翰齋素油

四尺以問其異語

豈必求贏餘所要石與

顧石之儲晏如也祝曰甕也齊東北海岱之間謂之甕列

子狀若甕甕都濫切韓曰甕通作僦廟通傳守僦石之祿

者闕御相之位補注魏書華歆清貧家無僦石之儲

儲南史桓玄聞劉毅起兵曰毅家無僦石之儲

卷卷落地葉隨風走前軒鳴聲若有意顛倒相追奔空

堂黃昏暮我坐默不言童子自外至吹燈當我前問我

我不應饋我我不餐退坐西壁下讀詩盡數編

詩一作書編一

篇作者非今士相去時已千其言有感觸使我復悽酸

顧謂汝童子置書且安眠丈夫屬有念事業無窮年

霜風侵梧桐衆葉著樹乾空階一片下琤若摧琅玕祝

逸論語云琤玉聲也楚耕士耕二切謂是夜氣滅韓曰陵陽子明經冬飲

望舒實其團

孫曰淮南子月御曰望舒韓曰離騷前望舒使先驅實墜也公羊夜中星實如雨補

注張載曰望舒四五團聞葉聲琤然青冥無依倚飛轍

危難安驚起出戶視倚楹久沈瀾韓曰選歐陽堅石詩揮筆涕沈瀾注涕流

貌也。沈音

憂愁費晷景日月如跳丸

祝曰跳躍也莊子東西跳梁韓

丸瀾音瀾

曰杜牧之詩日月迷復不計遠孫曰易不遠復無祇悔

兩跳丸取此意也

又曰迷復凶有災眚言

迷而能復不計遠近也

為君駐塵鞍

暮暗來客去羣鷺各收聲

孫曰羣鷺羣動也

悠悠偃宵寂

抱秋明

祝曰壺壺進也美也前漢兒生壺壺音尾

世累忽進慮外憂遂侵誠

彊懷張不滿弱念缺易盈

易一作已

詰屈避語寔冥茫觸心

兵敗虞千金棄

蔡曰莊子林回棄千金之璧負赤子而趨或曰為其布與赤子之布寡矣為其

累與赤子之累多矣棄千金之璧負赤子而趨何也林

回曰彼以利合此以天屬也夫以利合者迫窮禍患害

相棄也以天屬者迫窮禍患害相收也

得比寸草榮知恥足為勇

蔡曰禮記中庸

篇知恥晏然誰汝令

近乎勇

鮮鮮霜中菊既晚何用好揚揚弄芳蝶

楊揚一作陽陽

爾生還

不早

補注東坡詩云勿訝昌黎公恨爾生不早謂此語也

運窮兩值遇婉孌死相

保

祝曰詩婉兮孌兮注婉少貌妻好貌上音宛下力充切

西風蟄龍蛇

韓曰易龍蛇之蟄以

存身

衆木日凋槁由來命分爾泯滅豈足道

葛立方曰此則似有

不遇時之歎也

赴江陵途中寄贈王二十補闕李十一拾遺李

二十六員外三學士

集注王二十補闕名涯字廣津李十一拾遺
名建字杓直李二十六員外名程字表臣見

傳及諱行錄此詩公自
陽山令徙掾江陵而作

孤臣昔放逐泣血追愆尤

追思也

汗漫不省識

祝曰淮南子徙倚于

汗漫之字注汗漫無生形又曰吾與汗漫期于九恍如
咳之外外注汗漫不可知之也。汗音捍漫音慢恍如

乘桴浮

孫曰論語乘桴浮于海說文曰桴編木以渡。恍許往切

或自疑上疏上疏

豈其由是年京師旱田畝少所收上憐民無食兵賦半

已休

兵一作征

有司恤經費未免煩徵求富者既云急貧者

固已流傳聞閭里間赤子棄渠溝持男易斛粟掉臂莫

肯酬

補注掉振也搖也史記馮驩曰朝趨市者平旦側肩爭門而入日暮之後掉臂而不顧所期物亡其

中。掉徒弔切

我時出衢路餓者何其稠親逢道死者佇立久

伊憂

祝曰歎也選舍哀悽伊太玄經正厲憂鳴補注憂氣逆也老子終日號而不憂。伊音伊憂音憂佇

立一作馬

歸舍不能食有如魚掛鈎適會除御史誠當得

言秋拜疏移閣門為忠寧自謀上陳人疾苦無令絕其

喉下言畿甸內

言一作陳

根本理宜優積雪驗豐熟幸寬待

蠶麤

孫曰貞元十九年自正月不雨至于七月關中大飢人死相枕藉會公除監察御史上疏乞敕京兆

府應今年稅錢及草粟等在百姓腹內徵未得者並宜停徵容至來年蠶麥庶得少存立執政惡之坐貶陽山

令疏見集中祝曰楚麥也孟子

天子惻然感司空歎綢

繆韓曰是年三月杜佑檢校司空同中書門下平章事

謂言即施設乃反遷炎洲

唐曰遷炎洲謂貶陽山也舊

千言極論宮市德宗怒貶連州陽山令量移江陵府法

曹參軍新史亦云上疏論宮市今詩自序其得罪之由

大抵言京師早飢未嘗言宮市也唯皇甫持正神道碑

云關中旱飢先生列言天下根本專政者惡之出為陽

山令正與詩意合持正當時從公遊同官盡才俊偏善

者知公之不以論宮市而出審矣

柳與劉孫曰時柳宗元劉

或慮語言洩傳之落冤讎二

子不宜爾將疑斷還不

補注蔡寬夫詩話云退之陽山

執誼等所排耳子厚禹錫於退之最善然至是不能無疑故云同官盡才俊偏善柳與劉云云若溪漁隱曰余聞洪慶善年譜然後知寬夫為誤年譜云貞元十九年公與張署李方叔上疏言關中民急為幸臣所讒幸臣者李實也祝曰不者未定之辭前漢知捕兒不方鳩切中使臨門遣頃刻不得留

病妹卧牀褥

孫曰謂女孥也

分知隔明幽悲啼乞就別百請不

領頭

祝曰領點頭也後漢操領之戶感切又五感切

弱妻抱稚子出拜忘慙羞

僂僂不迴顧行行詣連州朝為青雲士

蔡曰史記伯夷傳非附青雲之

士安能施於後世哉

暮作白首囚商山季冬月冰凍絕行輶

輶車也

春風洞庭浪

孫曰公祭張署文云夜宿南山同卧一席又洞庭漫汗粘天無壁南山即上言商山

也出沒驚孤舟逾嶺到所任樊曰以二十年春到陽山也低顏奉君

侯孫曰君侯謂連州刺史酸寒何足道隨事生瘡疣祝曰疣贅也結病也莊子

附贅垂疣孫曰瘡遠地觸塗異塗一作事吏民似猿猴生獐

知忿很祝曰獐惡也李賀猛虎行乳孫哺子教得生獐很戾也書厥心疾很○獐尼耕切很下壑切知

一作辭舌紛嘲啁祝曰啁噍鳥聲禮記小者至於燕雀猶有啁噍之頃焉此云嘲啁言不明

也。嘲陟交白曰屋簷下雙鳴鬪鵲祝曰鳥名少美長醜江東呼為

鳴鵲嶺表錄異鵲即鵲也孫有蛇類兩首孫曰賈誼新書孫叔

曰訓狐也。鵲音休鵲音留有蟲群飛游蟲一作蠱窮冬對曰今旦見兩頭蛇恐死矣

或搖扇盛夏或重裘颶起最可畏

集注曰嶺南錄異云嶺嶠夏秋雄風曰颶

發日午至夜半止仆屋僵樹甚者颶屋瓦若飛蝶累年

一發或歲再三南粵志云風起人心恐懼或曰風來四

面俱足耳番禺雜編云彼人云風未至三日不聞雞犬

之聲如有所憂懼也房千里投荒雜錄云南方諸郡皆

有颶風以其四面風俱至也公此詩有是句又縣齋有

懷曰雷威固已加颶勢仍相借瀧吏詩颶風有時作贈

元十八詩峽山逢颶風皆

祝曰旬旬大聲

言其可畏也。颶音具

旬哮數陵丘

選聲旬噉其若

振哮承驚聲越絕書聲若哮虎孫曰

雷霆助光怪氣象

風吼聲也。旬呼宏切哮虛交切

難比倖癘疫忽潛邁十家無一瘳

補注瘳愈也書厥疾弗瘳

猜嫌動

置毒對按輒懷愁前日遇恩赦

孫曰貞元二十一年正月乙巳順宗即位二月

甲子大赦天下私心喜還憂補注集又有詩云伍文未

猜意與果然又羈縻祝曰縻縻馬也詩縻之維之。縻陟立切不得歸鋤耰

此府雄且大孫曰江陵騰凌盡戈矛棲棲法曹掾孫曰棲棲猶言皇皇

微生畝曰丘何為是何處事卑陬祝曰卑下也莊子子

侯切生平企仁義所學皆孔周早知大理官不列三后儔

韓曰東漢楊賜為廷尉自以世非法家書曰乃命三后

恤功于民伯夷禹稷三君耳士臯陶不在焉蓋吝之也

補注筆墨間錄曰此等何况親犴獄祝曰犴亦獄也漢

語可謂怨誅而不亂矣書義曰鄉亭獄曰犴揚子狴犴使人多禮乎孫祝曰敲榜答敲榜發姦偷打也前漢榜

曰詩宜岸宜獄犴與岸同打也前漢榜

○筆磨於炮烙發摘也

懸知失事勢

一云事勢非

恐自罹置杲

置杲兔網祝曰禮記田獵置杲

湘水清且急涼風日修

修胡為首歸路

首向也音式救切

旅泊尚夷猶

韓曰楚詞君不行兮夷猶注猶

豫也補注左思

昨者京使至嗣皇傳冕旒

孫曰貞元二十一年八月

曰周章夷猶

順宗內禪憲

赫然下明詔首罪誅共兇

孫曰八月壬寅貶王伾開州司

宗即位也

馬王叔文渝州司戶二人之罪如共工驩兜

復聞顛天

也補注首罪謂罪之魁者按律罪有首有從

輩韓曰謂當時杜黃裳鄭餘慶之徒為

峨冠進鴻疇

相如太顛閔天為周文王之佐也

孫曰

鴻大也疇謀也

班行再肅穆璜佩鳴琅璆

孫曰周禮以立璜禮北方

鴻疇謂國論

璜半壁也書厥貢惟璆琳琅玕祝曰爾雅西南之美者有崑崙墟之璆琳琅玕馬注璆琳美玉名琅玕狀似珠

也。琅音琅珍音求

竹繼貞觀烈

補注貞觀烈謂太宗之烈

邊封脫兜鍪

祝曰

境也兜鍪說文云首鎧又書曰惟甲冑起戎注冑兜鍪也上當侯切下音牟

三賢推侍從

補注

建程也三賢即涯

卓犖傾枚鄒

祝曰卓犖特達也又超絕貌選聖賢卓犖左思曰卓犖觀群書

枚謂枚乘鄒謂鄒陽。犖呂角切

高議參造化清文煥皇猷

煥發也

協心輔

齊聖

韓曰書聰明齊聖又曰克齊聖廣淵齊通達也

致理同毛輶

孫曰理治也唐人避高宗

諱故治字皆作理韓曰詩德輶如毛祝曰爾雅云輶輕也音由小雅詠鹿鳴食萍貴呦

呦孫曰詩呦呦鹿鳴食野之苹草遺風邈不嗣豈憶常

同稠

孫曰詩抱衾與稠注云稠裨被也同稠者取詩同

公於三賢有同稠之舊故望之以失志早衰換前期擬

鹿鳴

之風也稠音疇或作儔非是

蟬

祝曰蟬渠畧也生糞土中朝生暮死詩蟬蟬掘

音游

自從齒牙缺始慕舌為柔

集注淮南子曰老子學

商容

吐舌示老子老子知舌柔齒剛劉向說苑常樅有

疾

老子往問焉張其口而示老子曰吾舌存乎老子曰

然

吾齒存乎老子曰亡子知之乎老子曰舌之存也豈

非

以其柔乎夫齒之亡也豈非以其剛乎曰嘻是已嚴

有

翼曰老萊子謂子思子曰子不見夫齒因疾鼻又塞

乎

雖堅剛卒盡相摩舌雖柔終以不弊

漸能等薰蕕

祝曰薰香草蕕臭草左氏一薰一蕕十年

尚猶有臭孫曰喻不分善惡也。蕕夷周

切深思罷官去畢命依松楸孫曰松楸舊隴也空懷焉能果但

見歲已邁

道盡也

商湯閔禽獸解網祝蛛蝥

韓曰賈誼新書湯見設網

者四面乃去其三面祝曰蛛蝥作網欲左左欲右右吾受其犯命者士民聞之曰德及禽獸而況我乎蛛蝥如

蛛也蝥音矛

雷煥掘寶劍寃氣銷斗牛

唐曰晉書吳之未滅也斗牛之間常有紫

氣張華以雷煥為豐城令使尋之煥至縣掘獄屋基入地四丈餘得一石函中有雙劍並有題刻一曰龍泉一

曰大阿其夕斗牛間氣不復見

茲道誠可尚誰能借前籌

韓曰張良傳臣請借前箸

籌殷勤謝友明明月非暗投

孫曰鄒陽書曰明月之珠夜光之璧以暗投人於道

衆莫不按劍相眄者無因而至前也樊曰公意以湯譬憲宗以劍譬已以借前籌屬三賢者明月之珠非投暗

矣

暮行河堤上

暮行河堤上四顧不見人衰草際黃雲

際連也

感歎愁我

神夜歸孤舟卧展轉空及晨

韓曰潘安仁懷舊賦云宵展轉而不寐驟長歎以達

晨謀計竟何就嗟嗟世與身

夜歌

樊曰此歌及前暮行河堤上詩皆作於德宗貞元中時彊藩悍將可為朝廷憂公方歎計謀之未就雖欲憂之非所力也

靜夜有清光閑堂仍獨息念身幸無恨志氣方自得樂
哉何所憂所憂非我力

重雲一首李觀疾贈之

韓曰觀字元賓隴西人與公同舉貞元八年
進士以十年死於京師當其疾時以詩贈云

天行失其度

孫曰天行
天運也

陰氣來干陽重雲閉白日

韓曰
選補

亡詩黯黯重雲古詩浮雲蔽
白日或作重雲閉日夜非是

炎燠成寒涼小人但咨怨

孫曰書夏暑雨小民惟曰怨
怨冬祁寒小民亦惟曰怨咨

君子惟憂傷

孫曰小民但
知怨咨而已

君子則憂政事之失干陰陽之和或
至於亂也言觀憂傷以致成疾耳

飲食為減少身體

豈寧康此志誠足貴懼非職所當

職一作識

藜羹尚如此

韓

莊子藜

肉食安可嘗

韓曰左氏肉食者鄙未能遠謀蔡

曰史記蔡澤傳吾持梁躍馬食肉

富貴四十

窮冬百草死幽桂乃芬芳且況天地間大運

三年足矣

自有常勸君善飲食鸞鳳本高翔

孫曰以鸞鳳比觀也

江漢一首答孟郊

唐曰孟郊集有贈韓郎中二首其一云何以結交契贈君高山石何以保真堅贈君青松色貧交過此外無可相彩飾聞君碩鼠詩吟之淚空滴又一云碩鼠既穿墉又啮機上絲穿墉有餘土啮絲無餘衣朝吟枯桑柘暮泣空杼機豈是無巧妙絲斷將何施衆人尚肥

華志士多飢羸願君保此節天意當察微唐
人諸詩和意不和韻此篇豈公所答者耶

江漢雖云廣

韓曰詩漢之廣矣江之永矣又誰謂河廣一葦杭之

乘舟渡無艱流

沙信難行

韓曰書疏流沙當是西境最遠者也

馬足常往還淒風結衝波

狐裘能禦寒

補注呂氏春秋衛靈公鑿池苑春曰天寒恐傷民公曰寒哉春曰君衣狐裘坐熊席

四隅有火

終宵處幽室華燭光爛爛

補注禮記譬猶終夜有求於幽室之

是以不寒

中非燭何見祝曰廣韻爛火熟

苟能行忠信可以居夷

又明也

爛音闌義與去聲同

孫曰江漢流沙衝波幽室四者皆以喻忠信則無往

而不可也孔子曰言忠信行篤敬雖蠻貊之邦行矣

嗟余與夫子此義每所敦何為復見贈繾綣在不諼

祝

繾綣不相離貌詩以謹繾綣左氏繾綣從公注不離散也
也謏忘也詩永矢弗謏。繾音遣繾古遠切謏許元切

長安交遊者贈孟郊

樊曰長安交遊者馬廐穀出門其意大率相類皆公未得志之所為也

長安交遊者貧富各有徒親朋相遇時亦各有以娛樂
室有文史高門有笙竽何能辨榮悴且欲分賢愚葛立方曰

公此詩蓋言貧者文史之樂賢於富者笙竽之樂也

岐山下

集注岐山鳳翔也公嘗至鳳翔謁節度使邢君牙今集有上邢君牙尚書書蓋公至岐下

而有所賦也。一本析為二章

自丹穴五色羽而下為別篇

誰謂我有耳不聞鳳凰鳴

補注書曰我則鳴鳥不竭來聞注云鳴鳳不得聞也

竭來

岐山下

祝曰竭去也前漢回車竭來。竭丘桀切又去竭切

日暮邊鴻驚丹穴五

色羽其名為鳳凰

樊曰山海經丹穴之山有鳥狀如鶴五色而文名曰鳳是鳥也見則天下

大安昔周有盛德此鳥鳴高岡

韓曰詩卷阿鳳凰鳴矣于彼高岡孫曰周語曰

周之興也驚和聲隨祥風窈窕相飄揚

祝曰窈窕深貌莊子窈然空然

一作窈窈

聞者亦何事但知時俗康自從姬旦死千載

閱其光

樊曰即杜子美鳳凰臺詩所謂西伯今寂寞鳳聲亦悠悠也

吾君亦勤理遲

爾一來翔

祝曰遲待也易遲歸有時

又漢書側席遲士音治

五百家註昌黎文集卷一

謹案第二頁後一行與百十人偕進偕退刊本十
訛千係沿誤本之舊按貞元九年應宏詞舉者
僅三十二人作十為是據方崧卿舉正及朱子
考異改

第二頁後五行可以人而不如鳥乎樊注姚本無
此八字按唐文粹已刪去舉正考異並從之觀
賦云庶無羨於斯類知此句當係後人謬贅存
異

第五頁後六行注坎軻長苦辛刊本長訛多據文
選及馮惟訥詩紀改

第六頁後二行注貞元元年公以中原多故避地
江左按歐陽生哀辭云建中貞元間余就食江
南則非至貞元元年始避地江左矣此注全採
洪譜而多此四字應係謬贅存異

第十一頁前三行注東坡溫公刊本公訛國據文
義改

第十二頁後三行注陬隅也刊本隅上行版字又
吳奔壁東南陬刊本脫陬字據漢書及顏師古
注刪增

第二十二頁前三行注高年粟帛羊酒如版授刊
本脫年字據唐書增

第二十六頁後八行注憂勤勤分刊本上勤字訛
動據馮惟訥詩紀改

第二十八頁前八行尹吉甫子伯奇刊本脫伯奇

二字據古琴操及天德堂本增

第三十頁前四行題注見吳兢樂府古題解刊本
脫樂府二字據吳兢本書增

第三十二頁後五行注如又一音茹去聲刊本茹
訛皆據字書改

第三十八頁前八行或若氣饋餽刊本餽訛餽據
爾雅及天德堂本改

第四十四頁前三行注先王恥名之浮於行也刊

本恥訛體據禮記改

第四十六頁前八行注迫窮禍患害相収也刊本
収訛報據世德堂莊子改

第四十七頁後一行注所期物亡其中刊本脫物
字又亡訛忘據史記增改

第四十七頁後六行注言一作陳刊本陳訛令據
考異改

第五十三頁後七行題注聞君碩鼠詩刊本碩訛

首係沿誤本作有又訛為首也據汲古閣孟東

野集改

第五十四頁後五行且欲分賢愚刊本且訛易據

唐音統籤及顧嗣立補注改



總校官庶吉士 臣侍 朝

校對官庶吉士 臣陳文樞

膳錄監生 臣朱麟粹